

7pm - 7am **19¢** /MB

TELKOM PNG *Always there*

ENJOY FASTEST INTERNET SPEED

247 Customer Care Call 343 8789 or www.telkom.png

BIKPLA TOP UP PROMOSI TRU BLO PNG

Taim you Top Up wantaim K2 o moa, bai you insait emti long go insait long wanpla bai draw to winem 1pla ba Apia Land Cruisers na to you bai go insait long draw to winem ol prizes wanpla long K1 million moa em.

DIGICEL SUPER 8

WANTAIM K1 MILLION TOP UP LO GIVEAWAY

Terms and conditions apply. Promotion is from May 13 to July 30. Prepaid Customers earn unique entries for topping up with a minimum of K2 and will qualify for the next day's draw for Free Call & SMS Credits. Top ups should be made between 00:00H Wednesday to 23:59H Tuesday of each week to qualify for the Land Cruiser draw on the following Wednesday. All entries expire at 00:00H every Wednesday (beginning May 22). Customers need to top up again to qualify for the next Land Cruiser draw. To check entries, dial *1408. For the complete Terms & Conditions, please refer to Digicel website www.digicel.png.



Nupela ol bas bilong Botanikol gaden...

NUPELA BAS: Nature Park long Yunivesiti bilong PNG i kisim tupela nupela bas i kam long Ela Motors PNG long helpim ol i kisim ol skul sumatin husat i laik kam lainim ol samting bilong bus.

Dispela tupela bas bai helpim tu ol turis taim ol i laik kam lukluk raun long Park. Skul lukluk raun program em Esso Highlands i pas long em.

Long poto lep i go rait em Bos meri bilong Park, Michelle McGeorge, CEO bilong Ela Motors David Purcell, wokman bilong Esso Highlands Shabaka Gibsaon na Siti Menesa Lesley Alu.

Poto Nicky Bernard.

Senisim lidasip kod

...Ol asua lida i no kisim bikpela mekimsave...

PALAMEN i mas kamapim senis long lidasip kod o loa we i banisim wok bilong ol bikpela lida long kantri olsem ol memba bilong palamen, menesing dairekta na sekreteri bi-

long dipatmen na ol narapela lida husat holim pablik opisa bikos ol i no save kisim bikpela mekim save bilong loa taim ol i asua.

Nupela Sif Ombutsmen bilong kantri, Rigo Lua, i

tok em wanbel olsem ol lida husat loa i painim asua i no save kisim bikpela mekim save bilong loa.

Dispela em i tru sapos ol lida bilong kantri husat i holim pablik opis, olsem memba bilong palamen o

dipamen het, olsem menesing dairekta na sekreteri husat loa i painim ol i asua, em loa save pinisim ol long wok ol i holim.

Moa long pes 2

Stanley Nondol i raitim

Tresle Bris bai strongim developmen long Daru - P6

K120 milian bilong Sios Patnasip i lus - P11

Catholic Reporter Julai isu insait...

Painim CASH MONI bilong yu insait long KEN

"Painim CASH MONI insait long GLOBE na SITA Corned Beef or Mackerel ken"

Na kamap Wanpela LAKI WINA NAU!

Sapos yu painim displa ol CASH Moni:

- K1,000
- K500
- K100
- K50
- K10

"Anim insait long ken" Go kisim CASH MONI bilong yu long Globe dealer or kolim Globe Hotline 422 3866

HARIAP!!! Baim ol GLOBE na SITA ken mit or MACKEREL ken bilong yu NAU

Promosion bai pinis long 31st December 2013

Templo kintamas long PNG

Senisim lidasip kod

I kam long pes 1

Dispela em bikpela panis-
men o mekim save ol i save
kisim aninit long loa.

Sif Ombutsmen i tok long
lukluk na tingting bilong em yet,
em i tok, bikpela pen o mekim
save ol lida save kisim aninit
long loa em, loa i pinism ol long
wok bilong ol long pablik opis
na dispela i mekim save em no
inap.

Dispela bai lukim sapos wan-
pela lida olsem memba bilong
palamen o sekreteri bilong di-
patmen i stilim bikpela mani na
loa i painim em asua, em bai
pinis long wok, tasol em bai go
wantaim bikpela mani em stilim
long pablik.

Ombutsmen John Nero i tok
klia olsem palamen i mekim loa
na Ombutsmen Komisin wan-
taim ol narapela gavman dipat-
men i karimaut wok tasol.

Mista Nero i tok planti taim
pablik i save komplem olsem
dispela loa bilong mekim save
long ol lida husat i asua em i no
gutpela, tasol Ombutsmen
nonap long mekim wanpela
santing long givim bikpela
mekim save long lida i asua
inap palamen i senisim sam-
pela loa long lidasip long givim
bikpela mekim save.

Nupela Sif Obutsmen Rua
wantaim Obutsmen John Nero
i mekim dispela tok klia bihain
tasol long Mista Rua i sainim
tok promis long wok bilong em
wantaim Gavana Jeneral
Michael Ogio long dispela wik
Tunde long Gavman Haus long
Konedobu, Pot Mosbi.

Nupela Sif Ombutsmen, Rigo
Lua, em pastaim Pablik Sevis
Komisina na loya.

Ombutsmen Apoinmen
Komiti i makim Mista Rua long
kama Sif Ombutsmen na em
kisim ples bilong Phoebe
Sangetari, meri husat i bin stap
ekting long dispela posisen bi-
hain long dai bilong Sif Ombus-
men, Chronox Manek.

Miss Sangetari tok bikpela
tenkyu long makim bilong em
long lukautim Ombutsmen long
sotpela taim na tok em bai wok
poroman wantaim Mista Rua
long wok bilong was dog.

Mista Rua bihain long swer-
ing bilong em i tok, welt bilong
kantri i groa na em tok em bai
wok strong long banisim dis-
pela risos bilong kantri long
noken lus long pasin korapsen.

Mista Rua tu i tok olsem i gat
planti gat tru i op stap long rot
bilong yusim pablik mani we i
save lus long pasin korapsen.

Mista Rua i no tok klia long
wanem plen bilong em long
wok bilong em long pait agen-
sim korapsen tasol em tok i gat
bikpela nid long gavman bai
stretim rot bilong givim kontrak
wok long pablik tenda.

Em tok i gat bikpela rot i op
long sait bilong pablik tenda
long mani ken lus long pasin
korapsen.

Mista Rua long liklik taim bai
tok save long pablik wanem
santing em bai mekim insait
long 100 de.

Planti bebi dai long non agrikalsa provins

Stanley Nondol i raitim

**WANPELA ripot bilong
Agrikalsa Sektorel Komiti
i tokaut olsem infent Mo-
taliti Reir em antap long
non agrikalsa provins na
moa long 1000 pikinini
aninit long 5-pela kris-
mas i dai long ol oil na
gas provins.**

Dispela ripot i tok
agrikalsa em namba wan
santing long elpim ol
pikinini kisim gutpela kaikai
long sevim laip we ol pipel i
mas kisim gaden kaikai ol-
geta taim.

Dispela ripot i soim
olsem long yia 1999 i bin
taim bilong bikpela oil na

gas na bikpela namba bi-
long ol pikinini aninit long
krismas 5 i dai long ol eria
olsem Gobe, Hides, Moran
na Kutubu, em long Hela,
Sauten Hailens Provins we
bikpela kampani i stap na
mekim oil na gas bisnis.

Ripot i tok long yia 1999,
184 pikinini i dai long Gobe,
na 246 long Hides, wan-
taim 384 i lusim laip long
Moran na laip bilong 416
pikinini i go daun long Ku-
tubu long Hela provins.

Dispela ripot tu i tok ol
sampela distrik long sam-
pela provins i nogat
agrikalsa indastri tu i lusim
ikpela namba bilong pikinini
aninit long 5-pela krismas
long sem yia. Ol dispela

distrik em; Karamui long
Simbu wantaim 178 pikinini
i dai na 228 i lusim laip long
Menyamy long Morobe na
143 long Nuku distrik long
Wes Sepik Provins.

Moa long 5 milian pipel
bilong kantri stap i long
rural ples, na wok
agrikalsa i sapotim laip bi-
long ol bikpela tru. Wok
agrikalsa i sapotim bikpela
populesen wantaim kaikai,
wok na tu inkam long rural
ples long peim skul fi na
haus sik fi na sapotim ol
long mani sait.

Dispela ripot em
Agrikalsa Sektorel Komiti i
presenim long Nesenel Di-
velopmen miting long Pot
Mosbi long las wik.

Komiti ripot i tok gavman
i mas lukluk long sapotim
wok bilong agrikalsa bikos
laip bilong bikpela namba
bilong pipel long kantri i
stap aninit long agrikalsa.

Siaman bilong Komiti
Warren Datten i tok gav-
man i mas kamapim gut-
pela polisi na tu, stretim gut
rot bilong yusim mani bi-
long sapotim wok agrikalsa
long pipel bai kisim sevis
long sapotim laip bilong ol.

Mista Dattten tok bikpela
milian kina mani bilong
agrikalsa we gavman putim
long NADP olsem Moa long
K500m na i lus nating long
pasin korapsen.

Mista Datten tok ol gav-
man bodi i go pas long

agrikalsa mani olsem, Di-
patmen bilong Agrikalsa na
Laip stok, na Dipatmen bi-
long Nesenel Plening na
Monitaring i lukim planti
politik i kamap, na bikpela
milian kina bilong sapotim
agrikalsa i lus nating wan-
taim nogat gutpela ripot i
stap long sekim rot we
mani i go aut na long
wanem wok.

Mista Datten long Komiti
riport i tok gavman i mas
lainim lesen long NADP we
bikpela milian kina i lus na
mas kamapim gutpela plen
na polisi gen long sapotim
agrikalsa, na ol pipel mas
kisim sevis stret.Em tok
gavman i mas banisim gut
pablik mani.

Votim ol gutpela lida

Michael Novingu i raitim

TINGTING gut na votim ol lidaman
i gat gutpela pasin long kamap
meya bilong Rabaul Taun bai ki-
rapim gen taun na i ken kisim sevis
i go long ol manmeri long kirapim
gutpela sindaun bilong ol.

Lidaman husat i gat bikpela luk-
save long komyuniti na bipo primia
bilong Is Nu Briten, Se Ronald
Tovue i mekim dispela toktok long
lonsing bilong 8-pela man kendidet
husat bai resis long Lokol Level
Gavman (LLG) ileksen long kisim
meya sia bilong Rabaul taun.

Se Ronald i tokim 8-pela
kendidet na moa long 500 man-
meri i kam bung olsem wanpela bi-
long ol i winim meya sia i mas wok
hat wantaim gavman, pipel na ol
bisnis haus long kirapim gen
Rabaul taun.

Em i tok Maunten Tavurvur na
Vulcan i pairap long 1994 na

bagarapim Rabaul Taun, na gav-
man i no luksave long kirapim gen
Rabaul taun.

"Mipela i laikim gutpela lidaman
husat bai wok hat long kisim
Rabaul taun i kam bek olsem bipo
i stap long en," Se Ronald i tok.

Se Ronald i tok sapos yumi
votim ol nogut lidaman, nogat senis
bai kamap long taun bilong yumi.

Em i tokim ol 8-e kendidet olsem
sapos husat long yupela i win, yu-
pela i mas painim ol enjiniering
kampani i kam na ol bai stretim gen
Rabaul taun. Na kisim ol bisnis
haus i kam stap bai developim taun
long givim sevis long ol manmeri
bilong Rabaul distrik, na Is Nu
Briten wantaim.

Changol Manuai husat i holim
sia bilong meya bai resis gen long
winim sia bilong em.

Long wankain taim, Norbert
Marus husat bai resis long Rabaul
taun meya sia i tokim ol manmeri i

kam long votim ol lida man i nogat
korap pasin long kisim meya sia,
na bai karimaut wok long kirapim
gen Rabaul taun.

Mista Marus i tok nau yet, i gat
korap pasin i stap insait long ol li-
daman bilong yumi, na bai ol i no
inap kisim wok go het long kirapim
Rabaul taun.

Em i tok as tingting bilong em
long sanap resis em long pait
strong long stopim korapsen long
gavman, LLG i go daun long ol wod
kaunsela.

Na bai mani i ken go stret long ol
wod long kirapim wok long helpim
sindaun bilong ol manmeri long ol
wod na komyuniti bilong ol.

Mista Marus i tok sapos em i win,
em bai kirapim Rabaul taun devel-
opmen Atoriti long wok bung wan-
taim ol bisnis haus na ol arapela
lain long kirapim wok bisnis bai
givim sevis i go long ol manmeri
long Rabaul na Is Nu Briten wan-
taim.

Em i tok maski ENB yumi tok i
model provins, tasol manmeri bi-
long Rabaul distrik na arapela hap
bilong Is Nu Briten i stap turangu
yet.

Moa yet, em i tok sapos em i win,
em bai wok hat long daunim tu-
rangu pasin we ol manmeri mas
kisim gavman sevis olsem helt,
edukesen, wok bisnis na ol nara-
pela sevis long lukautim ol yet.

Mista Marus i tok maski Rabaul
taun i pulap long das bilong maun-
ten Tavurvur i kamapim, i gat planti
setelmen i kamap pinis. Na namba
bilong ol manmeri i go antap na i
stap insait long Rabaul taun.

Em i tok em i laik kirapim welfe
asosiesen bilong ol manmeri i stap
long Rabaul bai gavman i luk save
long ol na helpim ol long sindaun
bilong ol.

Em i tokim ol manmeri long ting-
ting gut na vot bikos vot bilong ol i
gat pawa na strong long gutplea bi-
long ol wantaim pikinini bilong long
bihain taim bilong ol.



Nupela Sip Ombudsmen Komisin, Rigo Lua i mekim tok promis long mekim wok bilong gavman long ai bilong Gavana Jenerel Michael Ogio long gavman haus long Konedobu, Pot Mosbi.

ICCC bai kamapim nupela PMV na Teksi prais

INDIPENDEN Konsuma na Kompetisen Komisen (ICCC) i kamapim pinis wanpela toksave pepa bilong ol kos bilong PMV na Teksi long kantri.

Sif Eksekutive Opisa bilong iCCC, Dokta Billy Manoka i tok, ol i lukluk gen long ol kos bilong PMV na tekxi bilong glasim nau wanem kain ol hevi na nid i stap long maket, na long lukim wanem stretpela we bilong kamapim ol loa bilong ronim dispela ol sevis.

Komisen i lukluk long wok resis i stap long ol PMV na tekxi bisnis na lukim olsem i gat planti bisnis lain i ronim PMV, tasol ol i no brukim gut ol rut, ol PMV i ron long em. Planti rut long ruel eria i nogat i nap PMV. Long ol ples we i gat planti PMV i ron, ol papa bilong ol PMV i no save skelim gut prais na mak bilong rot ol i save bihainim.

Komisen i lukim tu olsem i gat planti kastoma i stap long wanwan PMV rut, tasol ol PMV bisnis i no yusim dispela long kamapim gutpela bisnis long kamapim moa mani long ol dispela kastoma bes, na maski nupela PMV i ken kam, tasol bai em i no givim bikpela salens long PMV maket long ol dispela rot. Na tu long tekxi sevis, i gat wankain hevi i stap olsem ol papa bilong tekxi i no kamapim gutpela bisnis tumas.

Komisina i luksave olsem, dispela hevi bilong PMV na tekxi bisnis i bungim em i sut moa long ol kain rot kantri i gat na tu long ol kain stail bilong ol ka na trak ol bisnis i baim na ronim long kantri.

Sampela as tingting i stap long Draf Ripot we Komisen i laikim ol lain stekholda na husat man i gat laik long toktok i mas mekim toktok na salim i go long komisen olsem:

- Komisen i mas go het yet long lukautim ol PMV na Teksi indastri na kontrolim prais bilong ol:
- Komisen bai yusim Konsiuma Prais indeks (CPI) na ol prais bilong piul long ol provins long apim o daunim kos bilong PMV long wanwan provins;
- Komisen bai kamapim nupela kos bilong ol nupela han rot we prais

bilong ol i no bin stap long geset pastaim;

- Komisen bai makim ol kos bilong PMV na tekxi long wanwan yia;
- Taim Komisen i makim prais bilong PMV na tekxi long wanwan yia, ol bai strongim tu loa bilong pinisim tru ron bilong ol long rot ol i ron long em na i noken katim long namel, na tu long ol sevis bilong ol i mas go het yet, na ol ka bilong i mas stap kiln olgeta taim.

- Komisen i makim 5 yia taim long lukluk long dispela ol stended;
 - Komisen bai i no nap makim prais bilong karim ol kago long ol PMV.
 - Komisen bai testim yet ol tekxi mita long lukim olsem ol mita i wok orait na i bihainim stretpela tekxi fe olsem Kominisina i wanbel long en;
 - Insait long NCD, Komisen bai askim NCD long ronim PMV sevis, na sapos em i wok gut, bai i mekim wankain long arapela bikpela ol taun long kantri;
 - I gat planti wok i stap yet long stretim PMV bisnis we i nogat prais yet bilong rut bilong ol, Komisen bai bai wok yet long stretim ol dispela hevi yet bihainim long ol i autim las ripot, long ol i mas karamapim gut olgeta hevi bilong ronim PMV na tekxi bisnis;
 - Komisen bai sainim Memorandum of Understanding (MOU) wantaim ol arapela ejensi, long tokaut long ol i mas was long PMV na Teksi sevis i wok gut;
- “Long helpim wok bilong Komisen long kamapim gutpela tingting, Komisen i laik tok strong long ol stekholda olsem ol lain i ron long PMV na tekxi, ol papa bilong PMV na Teksi sevis, ol gavman ejensi, na husat man i laik mekim toktok long givim tingting bilong ol i go long Komisen,” Mista Manok i tok.
- Kamaut bilong Draf Ripot em i las step long Komisen i askim pablik long tingting bi-

long ol long dispela program.

Bihainim long ol i bungim olgeta tingting na toktok, Komisen bai kamapim las ripot na putim i go aut bilong ol pablik long bihainim.

ICCC em i gavman bodi, i stap olsem indipenden

Konsiuma na Kompetisen Ekt 2002 long strongim wok bilong resis na salens long ol bisnis, na stretpela we bilong wokim bisnis na tred, lukluk long ol prais bilong samting i go antap na i kam daun long gutpela bilong ikonimi na tu long gutpela bilong ol lain i baim

o yusim sevis o bisnis. Wanpela wok bilong Komisen long makim prais bilong ol samting long stoa na ol sevis, na em i gat wok tu long makim prais bilong PMV na tekxi fe we Minista bilong Treseri i tokaut aninit long Prais Regulesen Ekt (PR Act).

Komisina bihainim dis-

pela na mekim bikpela riviuna na raitim bikpela ripot long Novemba 2007.

Las Ripot i gat ol prais Komisen i makim long PMV na tekxi sevis tasol dispela ol prais taim bilong ol i pinis long Disemba 2012. Olsem na Komisen i wok long lukluk gen long kamapim ol nupela prais.

wantok moni

Send money to Anyone, Anytime Anywhere



How to send Wantok Moni

- 1 Dial *131#
- 2 Enter mPIN
- 3 Press 2 for "Funds Transfer"
- 4 Press 3 for "Wantok Moni"
- 5 Choose Account which you will send Wantok Moni from
- 6 Enter recipient's mobile number
- 7 Enter Amount
- 8 Press 1 to confirm

Have you received Wantok Moni?

- 1 To Accept Wantok Moni
 1. Dial *131#
 2. If you are a new user, you will be asked to enter a 4-digit Personal Identification Number (PIN).
 3. If you're an existing User, you will be asked to Enter and confirm your 4-digit PIN (this is different from the send code)
 4. Reply 1 to "Accept Wantok Moni" ENTER the Sender's SEND code and the SEND code that you generated
- 2 To generate a Wantok Moni Withdrawal Code
 1. Dial *131#
 2. Enter and confirm your 4-digit PIN
 3. Reply 2 to "Withdraw Wantok Moni"
 4. Reply 1 - to Generate Code
 5. You will receive a response, containing your WITHDRAWAL CODE

Anyone, Anytime, Anywhere!

320 1212 / 7030 1212
 servicebsp@bsp.com.pg
 www.bsp.com.pg



Official Sponsor of the 2015 Pacific Games

TELE Apdeit

FRI INTANET KONEKSEN

Ol Telikom kastoma i gat telepon lain i go long ol haus bilong ol nau l gat gutpela sans long sainap long kisim fri intanet koneksen long telepon lain bilong ol.

- **Telefonintanet l gat;**
- Spit bilong em inap long 2Mbps
- WiFiling konektim planti lain i yusim ol komputa na ol smat fon
- Em i trupela intanet sevis bilong PNG
- **Sainim na kisim nau, nogut yu misaut**
- FRI Lokal Vois Kol inap long 1 mun
- Baim Top Ap na yu ken kisim Inap long 200 pesen bonas
- Isi long setap/ i no longpela taim long setap

Winim trip long lukim Mansesta Yunaited.

Kamap wanpela laki wina long kisim trip long go lukim Mansesta Yunaited i kisim A-Lig Ol Sta long ANZ Stediu, Sidni long mun Julai.

Ol Prais i stap olsem

- Wanpela Gem Pas
- Wanpela balus tiket bilong go na kam
- 2 nait akomadesen
- Poket mani bilong wokabaut

Bai yu Win olsem

Yusim K200 long baim wanpela o moa Telikom Prodak long ol Telikom Stua, raitim nem na adres bilong yu long baksait bilong stua risit, na tromoi i go long wanpela bokis insait long ol Telikom Stua na bai yu go insait long dro.

19t/MB

Hamamas wantaim 19 toea pripei long daun taim intanet ret long 7 kilok moning go 7 kilok nait na nogat stop long namel.

Yu laik save moa, ringim 24/7 Kastoma Ke long telefon 3456789.



Ol kampani bilong stet holim ki long strongim praivet sekta

ESIA Developmen Beng (ADB) i tokaut olsem sapos Papua Niugini i ken senisim ol stal bilong kampani bilong stet (SOEs), em bai daunim tru kos bilong kamapim bisnis, na bai i gat gutpela sans long praivet sekta i ken kamap gut.

ADB Advaisa, Chris Russel i mekim dispela toktok insait long bikpela kibung bilong bisnis, (SME), Smol na Midum Enteprais, long Madang, long Tunde 2 Julai, 2013.

300 deliget i makim gavman, indastri na bisnis wantaim Asples Bisnis Kaunsil (Indigenous Business Council) i bin kamap long "SME Samit 2013" Minista bilong Tred, Komes na indastri i go pas long en.

Chris Russell i toktok in-

sait long bikpela "SME Samit 2013" we gavman i bin kamapim long kirapim and tu kamapim gut ol liklik na namel sais bisnis (SME).

Mista Russel i autim ol bikpela tingting ADB i bin painim aut insait long "Finding Balance" ripot bilong em. Ripot i soim bikpela kos ol bisnis i save peim taim ol i laik wokim bisnis insait long kantri, na dispela i save kamapim rot blok long ikonomi bilong kantri i gro.

"Bikpela kos i wok long stopim ol bisnis, bikpela na liklik wantaim," Mista Russell i tok.

"Na wanpela bilong ol dispela as bilong kos i go antap em long ol kampani bilong gavman (SOE) yet i no save ron gut." Em i tok moa.

Ol SOE i papa long ol bikpela wok bisnis olsem pawa, wara, bikpela bris na ol ples balus, em lain kampani we i stap na wok bilong olgeta bisnis i save ron. Olsem na taim ol dispela bikpela bisnis bilong gavman i sasim bikpela ol fi, ol bisnis i save kisim taim. Em i save givim moa hevi long ol lain bisnis na kampani we i save baim na salim samting i go long arapela kantri, bikos planti em ol i resis wantaim ol kampani bilong ol kantri we kos bilong ol samting olsem i no dia tumas.

Sapos ol SOE i daunim ol kos bilong ol, ol bai i helpim tru ol bisnis, na tu sapos ol dispela kampani we SOE i bosim, i nap long op na larim ol praivet sekta tu i ronim, em bai kamapim bikpela sans

long praivet sekta bilong PNG i gro.

Wanpela sans we ol SME i ken wok nau em ol Komyuniti Sevis Obligesen (CSO) nau ol SOE i save ronim. Ol dispela sevis we gavman i save helpim long ronim long bringim sevis i go long ol longwe ples we i nogat gutpela rot, em ol SME i ken wokim. Gavman nau i wok long pinisim wanpela plen bilong CSO long givim kontrak bilong ol dispela wok long praivet sekta.

ADB bai wok yet wantaim gavman long kamapim gut ol wok bilong SOE long kantri, anit long Pasifik Praivet Sekta Developmen inisitiv (PPSDI), em AusAID, ADB na NZAID progem i putim mani wantaim long sapotim, stat long Jun 2013.

Bikpela opis bilong ADB i stap long Manila, Filipins, na em i save mekim wok long stretim sindaun bilong komyuniti na ol pipel bai no ken sot long mani kaikai samting insait long Esia na Pasifik, na dispela ol i kamapim wantaim ol wok bilong kamapim ikonomi i go bikpela, long lukautim na yusim gut solwara, bus na graun long kamapim wok developmen na bisnis insait long risen.

ADB i bin stat long 1966 na i gat 67 momba kantri, 48-pela em i kam long Esia-Pasifik risen yet. insait long yia 2012, ADB i bin helpim ol kantri long risen wantaim mani mak long \$21.6 bilian, \$8.3 bilian em ol i bungim wantaim arapela dona oganaisesen long mekim wok.



PILAIM TRAMPET: Ol yangpela bilong Luteran Sios Musik Ministri i pilaim nesanel entem musik bilong ol long brukim graun seremoni we i makim konprens bilong ol Luteran Sios meri long Boana Distrik, Morobe Provins. *Poto: Sanang Sazoring*

Is Nu Briten LLG bai kamap long Sarere

... Moa long 157,000 bai vot

MOA long 157,000 manmeri bai go vot long Lokol Level gavman (LLG) ileksen long Is Nu Briten long dispela wik Sarere.

Bosman bilong Ilektrik Komisin long Is Nu Briten, Joab Voivoi, i tokaut olsem komon rol buk ol i salim i kam bek pinis long Pot Mosbi i soim olsem 157,534 nem bilong ol manmeri i stap long komon rol buk bai vot long dispela wik Sarere.

Em i tok Is Nu Briten i gat 18-pela LLG na 357 kaunsel wod bai ol manmeri i vot long en.

Ol samting bilong karimaut wok long taim bilong poling o vot i kamap pinis long Pot Mosbi na ol salim i go pinis long ol LLG husat i redi long yusim long taim bilong vot.

VoiVoi i tok ol balot o vot pepa i no kamap yet, tasol e mi tok dispela ol balot pepa bai kamap lon g pinis bilong dispela wik.

Em i tok namba bilong ol manmeri bai vot long wan wan LLG i sanap olsem: Gesel distrik i gat planti manmeri long mak bilong 64,655 bai vot, Kokopo distrik i gat 37,000 manmeri bai vot, Pomio distrik i gat 30,899 manmeri bai vot na Rabaul distrik i gat 24,805 manmeri bai vot long 2013 LLG ileksen.

Mista Lamur i tok i gat 98 wok lain long karimaut wok bilong ileksen bai stap sambai long 18-pela LLG na 357 wod kaunsel long ol manmeri bai go vot.

Em i tok dispela LLG ileksen i no wankain olsem ol arapela ileksen, nogat.

Kina Aset Invesmen limited i groa strong

Stanley Nondol i raitim

KINA Aset Investmen Limited o KAML i tokaut olsem kampani i rekodim bikpela winmani bilong yia 2012 long taim bilong wol ikonomik salens.

Siaman bilong Kina Aset Invesmen Limited, Sir Rabie Namaliu, i tokim ol sia holda las wik Fraide long Pot Mosbi long namba 5 Anuel Jenerel Miting olsem kampani i bin wokim invesmen na mekim K6.18 milian long pinis bilong yia 2012, we makim 14.85 % go antap.

Se Rabie i tok lukluk bilong dispela yia, em gut-

pela moa wantaim ol investmen menesa lukluk long mekim in plen long groim bisnis.

Sir Rabie i tok, kampani rekodim net profit long K4.73 milian, bihain long olgeta takis long pinis bilong Desemba, 2012. Em tok long pinis bilong Disemba 2011, kampani bin mekim los long K9.73 milian

Sir Rabie i tok invesmen bilong kampani i bin groa long mani maki bilong K37.37 milian long Disemba 2012na bilong 2011 bin stap long K42.35 milian. Dispela lukim kampani mekim moa long K6.18 mil-

ian profit.

Sir Rabie i tok kampani i lukluk long kamapim gutpela invesmen long givim gutpela winmani long ol Siaholda. Sir Rabie i tok kampani i lukluk long givim sia holda planti dividen o winmani na wok strong moa long groim bisnis wantaim invesmen mani.

Kampani tu bin tokaut long dividen we em bai givim long ol siaholda wantaim winmani long 4 toea long wanwan sia long winmani kampani i mekim long pinis bilong yia 2012.

Sif Ekesketiv Opisa bilong KAML, Syd Yates, i tok lukluk bilong dispela yia

long invesmen bilong kampani em gutpela tru we menesmen i lukluk long mekim gut bisnis wantaim invesmen.

Mista Yates i tokim ol siaholda olsem kamapni bin ron gut na i amamas wantaim winmani stap long K6.18 milian long 2012. Em tok kampani i lukluk go het long mekim gut wok long kamapim moa win mani.

Mista Yates i tok KAML bai mekim moa invesmen long ol bikpela maket insait long kantri, na tu long ovasis long kamapim moa win mani long ol yia i kam.

Apil long sios na gavman long wokbung

Sanang Zazoring i raitim

PASIN bilong sanap strong insait long sios na gavman i mas stap long bringim ol sevis we ol pipol i nidim long ol rurel eria. Rijinel memba na Gavana bilong Morobe, Honorable Kelly Naru, i mekim dispela apil long ol pipel bilong Boana distrik.

Honorable Naru, i mekim kinot adres long taim bilong graun breking seremoni bilong Evanjelikel Luteran Sios bilong PNG (ELCPNG) nesenol meri konprens long Boana stesen long Sande, 30 Jun, 2013.

Luteran Sios Boana Distrik meri grup bai hostim o lukautim ELC-PNG nesenol meri konprens long Septemba, 2014.

Taim em i kamap gavana, dispela em namba wan taim bilong em olsem het bilong provins long kisim invitesen long witnessim lonsing bilong Luteran meri konprens em ol meri bilong ELCPNG Boana Distrik bai hostim.

Las konprens i bin kamap long Bayune Luteran Hai Skul insait long Bulolo distrik, Morobe long Septemba, 2012.

Gavana Naru i mekim bikipela tok i sut long Baibel long kirapim ol manmeri long givim samting i go long God.

Em i tok, man i no ken tok-tok tasol – em i mas mekim ekxen olsem (Jems 2:17) i tok. Sapos man i mekim



SEREMONI BILONG BRUKIM GRAUN: Wanpela sios meri lida, Badua Siamoli, i makim ol meri long Boana Distrik i welkamim Pasto Binora Yunare.

olsem, em bai bihainim tru Tok bilong God long pasin bilong givim.

Gavana Naru, bihain long tok bilong en em i givim K250,000.00 long helpim ol meri insait long Boana distrik long hostim narapela ELCPNG nesenol meri konfrens.

Long dispela taim, opis bilong sios patnasip insait long Morobe provinsel gavman em Poike Charley i go

pas long en i givim K50,000.00 long ogenaism na ranim wok bilong ELCPNG nesenol meri konprens, dispela em helpim bilong gavman long wok bilong ol wimens afeas long helpim ol meri insait long Morobe Provins.

Long dispela taim tu, nesenol memba bilong Nawaeb electoret, Honorable Gisuwat Siniwin, i givim K500,000.00 long helpim ol

meri Boana long lukautim nesenol meri konprens.

Em i tok, ol bai stat wantaim K100,000.00 long wok bilong redim program long lojistik, haus na ples bilong konprens long hostim nesenol meri konprens long Septemba, 2014.

Taim em i givim dispela mani, Mista Siniwin i tok, dispela meri konprens bai brukim histri wankain olsem Luteran Sios sinot i bin

kamap long Boana long yia 1950, dispela i bringim blesing long ol pipel bilong Boana.

Insait long toktok bilong en, GisuwaMista Siniwin i tok, yumi Boana yet i mas kamap papa long lukautim ol sevis gavaman na sios i givim yumi. Yumi no ken pasim ol developmen long pasin bilong kisim kompensesen long hap graun bilong yumi sevis i laik go insait

long en long helpim ol pipel.

Mista Siniwin i traim long tok klia long wanem gutpela rot ol bai yusim dispela K5 milien gavman i givim long stretim ol rot system, infrastraksa developmen, helt sevis na arapela ikonmik na sosel sevis long ol pipel bilong Boana husat i stap long Nawaeb ilektoret, insait long nesenol gavman em MP Siniwin i makim ol long en.

Polis holim pasim man i wokim pasin nogut wantaim pik

Michael Novingu i raitim

POLIS long Is Nu Briten i holim pasim wanpela yanpela man long Napapar Namba 2 ples long Gesel Distrik na sasim em long mekim pasin nogut wantaim wanpela pik meri.

Ekting bosman bilong polis long Is Nu Briten, Sinia Inspekta David Yapu, i tok aut olsem yanla man ya krismas bilong em 25 na em i hapkas ENB na Wes Sepik.

Moa yet em i tok yanpela man ya i go long haus bilong ol pig i slip en, rausim laplap bilong em na mekim pasin nogut wantaim dispela pik meri.

Yapu i tok taim papa bilong pik i harim olsem pik i krai, em i kam au sait long haus na lukim yanpela man

i mekim save long pik.

Em i tok papa bilong pik i singaut na yanpela man i lusim pik na ronawe i go hait long bus.

Em i tok papa bilong pik i go ripotim dispela trabel long Kerevat polis stesen na polis i kam holim pasim em, na sasim em long mekim pasin nogut wantaim pik.

Mista Yapu i tok kain pasin nogut i save kamap planti taim long Is Nu Briten.

Em i tok sapos kot i painim em i asua long mekim pasin nogut long pik meri, em bai go kalabus we i no abrusim-pela krismas.

Mista Yapu i singaut i go long ol man long noken mekim kain pasin nogut long ol enamel bikos dispela i bagarapim gutpela nem bilong pipel bilong Is Nu Briten.

AGRICULTURE TRACTORS

- Slashers
- Disc Ploughs
- Disc Harrows
- Post Hole Augers
- And Other Attachments for Farming

AGMARK MACHINERY

PORT MORESBY: 323 5572 | LAE: 472 6324 | KOKOPO: 982 8748
 machinery@agmark.com.pg

BEYOND BOUNDARIES

SUNDAY, 6PM - 6.30PM

Topic of the week:

National Disability Review

FM100

PNC's Information & Music Leader

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAQIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Text 1610

Quantas lonsim nupela freita sevis long PNG

SIDNI, 28 Jun 2013, Qantas Freit i tokaut olsem em bai mekim tupela ron namel long Australia na Papua Niugini, stat long dispela mun.

Balus bilong Qantas bai karim kago namel long Cairns, Brisbane na Pot Mosbi wantaim wanpela Boing 737-300F balus we i nap long karim 15 ton kago i go i kam.

Qantas Freit Eksekutiv Menesa, Lisa Brock i tok, i gat strongpela ekspot maket namel long Australia na Papua Niugini, na nau dispela nupela freita sevis bai helpim ekspot maket i go moa.

“Dispela em i wanpela rot bilong freit planti lain i laik yusim, olsem na hevi bilong kago i go i kam long dispela rot em i wok long go antap yet. Planti samting em ol i karim i go i kam, em ol abus na arapela samting bilong solwara,

sampela ol kainkain kago nabaut, ol masin na ol arapela wok samting bilong maining,” Mis Brock i tok.

“Nupela sevis bilong mipela bai mekim moa isi long ol kastoma bilong mipela na dispela balus B737-300 mekim mipela i nap long karim ol bikpela sais kago long men dek,” Mis Brock i tok moa.

B737-300 balus Qantas bai yusim em i wanpela bilong ol balus nau i stap long Qantas Freit flit, wantaim moa taim bilong flai i kam long nupela plen bilong ron bilong ol balus. Em bai kamap wanpela moa bilong ol freita balus i wok namel long Australia, Saina, Hong Kong, Amerika na Nu Silan.

Qantas nau i save karim kago long Air Niugini olgeta de namel long Brisbane na Pot Mosbi. Freita sevis bai wok ol-

geta Sarere long ol dispeala taim olsem:

Lusim Cairns long 08:30 na kamap Brisbane 10:30 moning. Lusim Brisbane 12:15 belo taim, na kamap long Pot Mosbi long 3:15 apinun na lusim gen long 5:00 apinun na kamap long Cairns long 6:15 long apinun yet.

Qantas Freit i gat 13 freita balus, tripela em B747-400F balus, wanpela B767-300F, 4-pela B737-300CF na 4-pela BaE146, na wanpela SAAB 340 balus. Qantas Freit i save karim kago long Qantas na Jetstar domestik na intenesenel pasindia sevis tu.

Long Epril, Qantas tokaut long plen bilong em long lisim nupela B747-400ERF freita balus long karim kago long global freit bisnis.

Tresle Bris bai strongim developmen long Daru

MOA wok mani na developmen bai kamap na tu, sevis na laip long ol pipel bilong Daru long Westen Provins bai kamap gut bihain ol bin opim Trestle Wof o bris.

Nupela bris projek i kostim K10 milian na PNG Sastenebol Developmen Program (PNGSDP) i bin givim dispel manimak long sanapim bris, bihainim askim bilong PNG Pots Koporesen (PNGPC).

PNGSDP i bin wan-

bel long rausim olpela bris na sanapim nupela na bikpela wan.

“Tude yumi ken lukim stret ol kaikai long wok we yumi sapotim wantaim mani long sanapim. Kain nupela na strongpela bris olsem bai sevim ol pipel bilong Daru long planti yia i kam,” Sif Eksekutiv Opisa (CEO) bilong PNGSDP, David Sode i bin tokim planti pipel i bin kamap long opim nupela Tresle Bris.

Ol pipel bilong Daru nau i gat gutpela ples bilong kisim sip i go aut na tu, bai karim ol kago i go na i kam long Daru. Bikos taim ol bin pasim olpela bris, olwok long yusim dam eria long Tawo'o Poin we i no seif tumas.

“Bai yumi lukim moa gutpela samting taim i gat moa wok bisnis i kamap, kos bilong kago i go daun na moa sip bai save kam na bai kos bilong ol kago i kam long ovasis i go daun.

“bai gat moa sans long kirapim na ranim ol wok bisnis,” Mista Sode i bin tok.

Em bin tok gutpela rot na bris i save mekim laip i moa gutpela na isi long olgeta, na ol projek bilong PNGSDP em long kamapim dispela.

PNGSDP i wok long fandim ol narapela bikpela projek long Daru. Wok i stat pinis long Daru wara saplai na surij apgret bai kos samting olsem K52 milian long bildim.



NUPELA BRIS BAI HELPIM DARU: Hia em nupela Trestle Bris bai helpim ol pipel na Daru i lukim sampela developmen. *Poto: PNGSDP Midia*

Foskwea Sios long Mosbi bai selebretim 20 yia



Pasto Rodney Tomuriesa, Sinia Pasto bilong LLFGC autim tok long haus lotu.

Poto: Frieda Kana

LIVING Lait Foskwea Gospel Sios (LLFGC) long Kaugere, Pot Mosbi bai selebretim 20 yia bilong gutpela wok ministri long komyuniti, long 9 Julai i go 14 Julai 2013.

LLFGC i bin stat long yia 1993 long Koki, NCD wantaim liklik lain tasol na nambawan wok komyuniti o ministri em wantaim Sande Skul ol i bin statim.

Tasol nau dispela sios em i kamap wanpela bikpela sios tru long Pot Mosbi na long Sauten Risen bilong Yunaitet Foskwea Sios long Papua Niugini. Em i save gat olsem 1,000 o moa lain i save kamap long wanwan Sande long lotu.

Kaugere LLFGC nau i gat wanpela skul bilong ol pikinini long pilai skul o kindagaten i go i nap long gred 8, em i gat wanpela baibel skul, i gat wok bilong givim kaikai long ol pikinini bilong ol setlemen, i gat tupela helt klinik na ol mobail sevis bilong ol na ol i wok long HIV/AIDS na TB sik.

Em i gat wanpela meri seif haus bilong ol mama na ol yangpela meri i painim hevi long pait na bagarap long famili, literesi skul bilong rit na rait, laip skil trening bilong ol mama na wara i gat laip ol living wota em i wok bilong bringim gutpela wel wara long ol komyuniti i stap long dispela sios.

Sinia Pasto bilong LLFGC, Pasto Rodney Tomuriesa i tok, “Wel bilong Holi Spirit mipela i gat em long kamap olsem wanpela wara i karim ol gutpela wok ministri i kapsait i go aut long ol komyuniti, long soim laikim bilong God long wok misin bilong mipela wantaim ol pipel.”

Em i toktok dispela tok taim em i autim tok long Sande 30 Jun insait long haus lotu bilong ol long Kaugere.

“Mipela i stap long dis-

pela ples Kaugere em i wanpela turangu ples tasol em i wanpela setelmen long Pot Mosbi em i gat bikpela pasin bilong raskol, stil na bagarap i stap.

“Ol lain save askim watpo na mipela bai i wok yet long hia taim ol lain mipela save helpim i save kam bek ken na bagarapim samting na stil long mipela? Ating bai mi tok, mipela i kamap longlong long mekim wok bilong Krai,” Pasto Rodney i tok moa.

Long buk bilong Profet Aisaia, sapta 60: ves 1 i go 3 i tok “Bikpela i tok olsem, “Jerusalem, yu kirap na lait olsem san, long wanem, nau bikpela lait na strong bilong mi, Bikpela, i lait antap long yu. Lukim. Ol blakpela klaut na bikpela tudak i karamapim olgeta arapela lain manmeri bilong graun.

Tasol mi Bikpela, mi kam long yu, na bikpela lait bilong mi i lait strong antap long yu. Ol arapela lain manmeri bai i lukim dispela strongpela lait bilong yu, na ol bai i kirap i kam.”

Pasto Rodney i tok, dispela toktok bilong profet i kamap 700 bipo long Krai i kamap long graun, taim israel i bin bungim planti bikpela hevi long han bilong ol birua bilong ol olsem ol i bin stap long bikpela tudak.

Profet i bin tokaut long taim bilong kalabus na gen taim bilong kamap fri na gat hop gen. Na long sapta 9 bilong buk bilong Aisaia yet, ol manmeri i wok long lukluk i go pas long lukim dispela hop na lait we Profet i tok long en.

Tasol ol bilip man na meri i holim pas long dispela bilip long lukim dispela bikpela lait we Bikpela i toktok long Profet Aisaia long en.

Ol i wetim kam bilong Jisas Krai tasol em i no

kam inap 700 yia bihain long taim bilong Aisaia, na 400 bihain long Malaki, las profet bilong Israel.

“Yu wok long wetim kam bilong Jisas wantaim amamas o yu pret long kam bek bilong em i stap?” Pasto Rodney i tok moa.

“I nogat wanpela man i mas dai, inap em i lukim Jisas i kam insait long laip bilong em, olsem Profet Simeon long Luk sapta 2 na lain 22 i go 29; na narapela meri profet Anna long Luk 2, lain 36.

Tupela i lapun tru tasol ol i stap holim bilip na i lukim pastaim Bikpela Jisas i kamap long graun na bihain ol i dai. Yu mas bungim pastaim Jisas bipo long yu i dai,” em i tok.

LLFGC i save patna wantaim ol lain olsem Digicel, Famili Helt Intenesenel (FHI), Rotari Australia, Samaritan Pes na planti narapela long bringim gutpela sindaun i go long ol komyuniti bilong Kaugere na ol arapela setelmen long NCD wantaim Sentral Provins, Galf na ol arapela provins long Sauten Risen.

Tasol wanpela bikpela wok bilong dispela sios em long Living Wota o Wara i gat laip ministri i save kamapim gutpela wel wara long planti hap bilong dispela kantri.

Long taim bilong selebren bai i nambawan Pasto i statim dispela sios long Mosbi, Pasto Bill wantaim meri bilong em Corrie Page, na nambawan Prinsipel bilong Living Lait Babel Kolis, Pasto Ken na meri bilong em Leonie Iskov wantaim planti arapela misinari i kam long Australia na Amerika.

Wantok Niuspepa bai ronim wanpela spesel sapliment long wik bihain long selebren bilong 20 yia em long 18 Julai 2013.

Namba wan meri i kisim bikpela wok long Polis Fos

BIHAIN long 37 krismas PNG i kisim independen, Polis Dipatmen i givim bikpela wok long wanpela meri.

Long las wik, Royel PNG Konstabuleri (RPNGC) i bin makim Superintenden Joanne Clarkson husat i holim wok olsem Dairekta bilong Koporet Plening olsem Ekting Asisten Komisina Rifoms.

Opis bilong Polis Komisina, Tom Kulunga, i tok long nupela wok em i kisim, Superintenden Clarkson bai go pas long lukautim ol nupela senis i wok long kamap insait long Polis Konstabuleri.

Wanpela long ol em long wok bilong go hetim ol 61 rekomendesen bilong

Polis Edministretiv Rivyu Ripot.

Komisina Kulunga i tok menesmen bilong em i gat strongpela bilip long Clarkson husat i wanpela ekspirienis polis opisa.

Em i wanpela long ol 20 opisa i stap insait long Sinia Lidasip Dvelopmen Progrem bilong RPNGC we ol bin makim ol long sindaun long dispela program.

Olsem hap bilong RPNGC na plen long kamapim gut edministresen, na operesen bilong Polis Sevis, ol i transferim 8-pela sinia opisa, na Clarkson i wanpela long ol.

ACP Thomas Eluh husat i save holim posisen olsem Komanda Rijinel Otonomes

Rijen bilong Bogenvil em ol i transferim i kam long Konedobu Polis hetkota olsem Asisten Komisina Kraim.

Sif Superintenden Mark Kanawi long ACP Kraim i go long Dairekta Prosekyusen, Polis hetkota lon g konedobu.

Sif Inspekta Mark Mewerimbe long Dairekta Prosekyusen i go long hetkota long Konedobu i go long Opisa i lukautim Prosekyusen long Boroko.

CSP David Manning long Dairekta Spesel Sevis Divisen (SSD) i go long Metropolitan Superintendenlong Nesenel Kapitel Distrik (NCD).

Superintenden Samson Kua long Deputi Dairekta SSD i go long Dairekta SSD.

Superintenden Andy Bawa long Mertropoliten Superintenden NCD i go long Dairekta Spesel Projeks long Provinsel Hetkota, Konedobu.

Laspela long en em Superintenden Rigga Neggi i save wok olsem Deputi Dairekta Koporet Plening long hetkota, Konedobu nau i go long Dairekta bilong dispel eria.

Komisina Kulunga i tok trense long ol wok na pawa bai kamap bihainim henova tekova seremoni.

Em i tok bai nogagt wari long haus na skul bikos olgeta opisa i kisim ol trense i wok long NCD na i gat ol dispela samting pinis.

Em i tok ACP tasol i nogat.

RAun Lukim Ol Mama na Pikinini



GUTPELA POROMAN: Tok i stap olsem dog em i gutpela poroman tru bilong man. Em i tru olsem yumi lukim long dispela pota we liklik manki Tabubil, Tyler Kisokau, i pilai wantaim gutpela pren bilong em, dok, Spikey. Tupela i no save isi long pilai soka long apinun bihain Tyler i kam bek long skul. Olgeta moning, Spikey i save bihainim anti na liklik bebi brata bilong Tyler, long lusim Tyler i go long skul long Tabubil Intanesenel. Na long 2.00 klok apinun, Spikey i save bihainim gen anti na bebi brata long kisim Tyler i kam long haus taim em i pinis long skul.

Poto: Veronica Hatutasi

Wanpela meri bai go pas long Goroka So

Long dispela taim, ol meri i wok long kamaut na holim ol bikpela wok long gavman, pablik na praivet sekta.

Dispela wik i lukim Kearyn Hargreaves, wanpela bisnis meri long Goroka, Isten Hailans Provins, i ka map olsem meri i go pas long ol wok bilong Goroka So long dispela yia.

Isten Hailans Gavana, Julie Soso, i tokaut long dispela taim ol i wokim opisel lons bilong 2013 Goroka So long Bet ov Paradais Hotel long Hagen las wik Fraide.

Taim Gavana Soso i tok tenkyu long pastaim siaman bilong Goroka So, Gideon Samuel na komiti bilong em long hatwok ol i mekim long ol narapela yia long lukim olsem so i kamap gut, Soso i tok em i gutpela long putim wanpela meri i go pas long Goroka So, taim em tu i bosmeri bilong provins olsem gavana.

Gavana Soso it ok provinsel gavman bai tekova long menesmen na ranim bilong so. Na em bin tok promis long givim K220 ,000 long ranim so bilong dispela yia.

Ol bai yusim samting olsem K20,000 long wok edministresen, K100,000 long putim kamap So.

Gavana Soso i bin givim narapela K20,000 long kamapim so long neks yia.

Hargreaves i bin kirap nogut taim em i harim olsem ol i makim em long kisim dispela wok.

Tasol em bin tok tekyu long Gavana Soso long gat bilip long en na putim em long bosim wok bilong Goroka So.

Em i tok em bai wok strong long lukim olsem So i kamap gut.



Yut, Meri na Famili

Pastor Barbara Lunge

Jisas em i man bilong lusim rong na oraitim sik

ATING nau yu stap na yu no laik long lusim rong bilong sampela lain i mekim rong long yu, na bel bilong yu i kaskas na yu laik bekim pasin nogut ol i bin mekim long yu, o yu gat wanpela sik long bodi bilong yu longpela taim nau na yu wok long askim, bilong wanem na sik ya i no nap long pinis?

Planti lain i save bungim dai o sik, o i gat sik long spirit bilong ol, o tingting bilong i no stap orait, o bodi bilong ol i gat bagarap.

Laip bilong man i gat tripela hap, bodi, spirit, na sol. Olsem na spirit man i mas pas wantaim God long kamap gutpela; sol em i bilong kamapim tingting, olsem na man i mas kisim skul long kamapim gutpela tingting, na bodi em i gat mit na bun na blut na em i save kamap gut wantaim gutpela kaikai bilong bodi.

Tupela bikpela hap bilong man i save stap insait long yumi em spirit na sol we i save stap laip oltaim bihain, long hel o long heven bihain, long taim bodi i dai na bagarap long hul pinis, spirit na sol bai i stap laip yet.

I gat planti as long wanem ol sik na bagarap long bodi i wok long kamap moa na bikpela na planti i nogat marasin bilong ol yet long graun na Papua Niugini.

Nambawan samting em yumi i mas givim gutpela taim long stretim spirit man bilong yumi. Tasol taim yumi stretim bodi wantaim gutpela kaikai na ekseais na kisim gutpela skul long stretim sol, bai i gat hevi yet long laip stail bilong em. Yumi mas bihainim stret tok bilong God long Baibel long stretim spirit laip bilong yumi.

"Liptimatim nem bilong Bikpela, sol bilong mi, noken lusim tingting long olgeta gutpela samting God i givim; em i rausim olgeta sin bilong yu; oraitim yu long olgeta sik; em i kisim yu bek long bagarap bilong graun; em i putim hat bilong king wantaim gutpela pasin bilong em na bikpela mari-mari long yu; em i inapim ol laik bilong yu wantaim gutpela samting, na givim yu nupela strong gen na yu kamap yangpela gen olsem tarangau" Buk Song 103: 2-5

"Na taim yu sanap long beten, yu mas lusim rong bilong ol lain i mekim rong long yu, na Papa bilong yu long Heven bai lusim rong bilong yu na pasin nogut yu mekim." Mak 11: 25.

"I gat wanpela namel long yupela i gat sik? Em i mas singaut long ol lida bilong sios, na larim ol i prea long em, welim em wantaim wel long nem bilong Bikpela, na prea bilong bilipman bai oraitim sik bilong em, na Bikpela bai kirapim em gen. Sapos em i gat sin, bai Bikpela i lusim rong bilong em. Yu mas autim sin bilong yu long wanpela narapela, na prea long wanpela narapela na yu bai kamap orait gen. Strongpela prea bilong stretpela man em i gat pawa na i save karim kaikai." Jems 5:14-16

Tok bilong God i tok, yu mas askim Bikpela God long lusim rong bilong yu, na ol arapela bai lusim rong bilong yu. God Bikpela bai lusim rong bilong yu na oraitim yu long sik na bagarap na bringim bek ol blessing bilong yu. Watpo na yu karim hevi bilong sik na bagarap na yu no laik givim i go long God?

"Yupela ol man i save hatwok tru na i karim ol bikpela hevi, yupela olgeta kam long mi na bai mi givim malolo long yupela. Yupela kisim save long mi na aninit long tok bilong mi, olsem yupela i kisim plang ol i sve putim long nek bilong ol bulmakau bilong ol i ken pulim ol samting. Yupela kisim save long mi, long wanem, mi save mekim pasin isi long ol man na mi save daunim mi yet. Na bai ol samting i no ken givim hevi long yupela na bai yupela i kisim malolo. Dispela plang mi putim long nek bilong yupela, em i isi long karim, na samting mi givim yupela bilong karim, em i no hevi." Matyu 11:28-30

Sapos yu laik save moa o nidim helpim long prea: Toktok wantaim Wokmeri bilong BIKPELA, Barbara Lunge, Rivers of Grace International Ministries, P. O. BOX 3063. BOROKO, NATIONAL CAPITAL DISTRICT, PAPUA NEW GUINEA, BM 67331426

NASFUND FM100 TALKBACK SHOW

MONDAY - FRIDAY, 9AM TO 12PM

Participate and be heard on an open forum on National Radio



FM100

PNC's Information & Music Leader

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

K120 milian bilong Sios Patnasip Progrem i lus

SAMTING olsem K120 milian manimak we gavman i katim long ol progrem i kam aninit long sios na stet patnasip progrem em ol i yusim krangi long ol narapela progrem.

Na i no go long wok stret em sapos long go long em, ol ripot i tok.

Ripot i tok Nesenel Plening Minista, Charles Abel, bai tebolim ripot long Sios Stet patnasip progrem (CSPP) taim Palamen i sindaun long neks wik Tunde.

O'Neill /Dion Gavman i gat bikipela wari long pasin bilong stilim mani na yusim krangi ol mani bilong ol pablik progrem ol i fandim pinis. Dispela i mekim na Dipatmen bilong Nesenel Plening i putim sampela banis na wanpela long ol em long rivyuwim o glasim ol progrem bilong gavman.



SIOS SEVIS: Stat bilong lotu sevis na ol lain yangpela i wokim proseso i holim ol kendel na go insait long haus lotu.

Poto: Veronica Hatutasi

Minista Abel i no tokaut long mak o level bilong hevi ol CSPP Progrem i bungim, tasol em bai wokim dispela taim em i tebolim ripot long Palamen neks wik.

Em i tok em i bung pinis wantaim ol sios patna i stap aninit long Sios Patnasip Progrem (CPP) las wik bihain mi pinisim historik ripot long dispela progrem na ol bai ripot bek i kam long mi long dispela wik long ol plen ol i gat long kirapim bek gen progrem bihain long ol bin bagarapim progrem n a mani bilong em.

Em i tok aninit long dispela progrem, gavman bai givim mani long sapatim helt na edukesne sevis aninit long CPP.

Minista Abel it ok ol i statim pinis wok bilong ripoting long ol progrem bilong gavman long ol dispela i wok gut, na ol dispela i feil, o ino wok gut, na tu, paulim K528 milian aninit long Nesenel Agrikalsa Developmen Progrem namel long yia 2007 inap long 2012.



Yumi mas ones na mekim stretpela wok

YUMI i wok long harim na lukim kainkain sios lida i autim tok long siti, taun, maket, ples na insait long sios bilong ol long tok resis long kisim namba wan sia insait long Kingdom bilong God.

Taim yumi stat long autim tok resis na rabisim ol narapela sios, yumi abrusim pinis tok tru bilong God insait long Buk Tambu.

Tingim taim yumi sanap long pulpit, yumi kamap spesol long ai bilong God na kristen kongrigesen.

Na yumi mas tok tru na givim gutpela kaikai tru bilong God insait long bel bilong ol manmeri. Yumi mas save klia olsem, Jisas bai no inap tru pait wantaim Jisas, na Lusifa bai pait wantaim Lusifa.

Yumi save tok tru bilong God olsem Jisas i pait wantaim satan na em i winim dispela bikipela pait antap long Diwai Kruse na em i bin win na daunim wok bilong Satan.

Win bilong Jisas long dispela graun em i winim yumi bek na mekim yumi kamap manmeri bilong God insait long Kingdom bilong God.

Mi no klia gut long wanem Kingdom bilong God i pait wantaim kingdom bilong God.

Em i tru wok bilong God o wok bilong Satan.

Tingim stori bilong tupela aposel, John na James (MK10:34-45). John na James i laik Jisas i makim tupela bai tupela i ken kamap olsem nambawan insait long kingdom bilong God.

Tupela i laik kisim nambawan antap long ol arapela man.

Tasol Jisas i tokim tupela olsem rot bilong kisim namba insait long kingdom bilong God i narakain.

Long kingdom bilong God, husat i nambawan, em i mas helpim na stiarim gut ol arapela manmeri olsem wokman bilong ol.

Yumi ol wanwan kristen i gat wok long mekim, em taim yumi kisim baptais, yumi i no manmeri nating.

God i makim yumi na yumi kisim namba pinis. Em i makim yumi long mekim ones na trupela wok.

Yumi olgeta i wok wantaim long abrusim wok bilong satan na kamapim kingdom bilong God long dispela graun.

Yumi mas wok wantaim long stretim rong na mekim save gutpela pasin bilong God insait long laip na bel bilong ol manmeri, na bringim ol i kam insait long kingdom bilong God.

Sapos yumi i kisim namba na yumi kamap bikman, orait yumi mas hatwok moa yet long helpim na mekim gut long arapela manmeri i kamap wankain olsem yumi na mas i gat namba.

Yumi mas bringim kristen tingting na pasin i go insait long famili na komyuniti, ol sikmanmeri na ol lain i stap long kalabus.

Sapos yumi tok resis, tok baksait long ol narapela na pasin bilong giaman stia tok o tingim yumi yet, God inap panisim yumi long dispela na em i ken makim narapela long kisim ples bilong yumi insait long kingdom bilong God.

Olsem na yumi insait mas mekim ones na stretpela wok long ai bilong God, na ol narapela kristen brata na susa.

Ol Katolik bai tingim Bleset Peter ToRot

DISPELA Sande Julai 7 bai lukim ol Katolik pipel long PNG i selebretim pestode bilong Bleset Peter ToRot, em namba wan santu bilong PNG na Saut Pasifik rijen.

Long peris level, ol i mekim ol wok redi na ol i prektisim ol singsing lotu na ol ektiviti ol bai putim kamap long dispela Sande.

Dispela em i 67 yia bihain long Bleset Peter ToRot husat i bin wanpela yangpela na strongpela Katekis i bin dai taim ol soldia bilong Japan i bin kilim em i dai long 1945, bikos long bilip bilong em.

Long 1995, nau i dai Pop, Bleset John Paul 2 i bin santuim Peter ToRot i kamap Bleset insait long wanpela lotu seremoni long Se Jihn Guise Stadium long Pot Mosbi long ai bilong planti tausen Katolik bilip manmeri long siti.

Liklik histori bilong santu man ya em, mama Maria la Tumul i bin karim Peter ToRot long ples Rakunai, Is Nu Briten long yia 1912. Papa bilong en em Angelo ToPuia

Taim em i gat 18 krismas long yia 1930, em bin go long Katekis trening skul long Sen Paul's Misin skul.

Long 1933, em bin greduet wantaim diploma bilong Katekis na mekim wok long Rakunai.

Em bin kisim luksave long planti pipel olsem wanpela lida na maski em i yangpela man tasol.

Long 1936, em bin maritim wanpela yangpela Katolik meri, Paula la Varpit na ol bin gat tripela pikinini.

Wanpela tasol, em meri, Rufina la Mama em namba tu pikinini i stap laip yet long ples Rakunai.

Long 1942 taim ol soldia bilong Japan i sindaun long Is Nu Briten na putim ol misinari long kalabus, ToRot i bin mekim wok olsem spirituel gaid na lida na wokim prea na lotu sevis, givim ol Sakramen olsem Baptismo, Komyunio na dispela bilong dai long ol Katolik pipel long eria.

Long mun Epril 1945, ol soldia bilong Japan i bin holim pasim em, kalabusim em na kilim em i dai.

As bilong ol Japan soldia i kilim em i dai em bikos em i stopim pasin bilong brukim maritim promis na tu, ol no laikim em i skruim wok bilong God.

Arap To Binabak em narapela man we ol soldia bilong Japan i bin kalabusim em long wankain taim wantaim ToRot.

Em i lukim dokta i givim injeksan o sut long ToRot, samting bilong dring, Bihain em i pasim yau na nus wantaim koton wul bipo tasol em i dai. Planti pipel i bin bung long planim Peter ToRot i bin lukim em olsem wanpela matir o man i dai long luk autim bilip bilong em.

Holim pasim wanpela Bisop long korapsen

I kam long Zenit Nius, Vatiken

KORAPSEN i stap long olgeta hap bilong sosaiti olsem, gavman, pablik na praivet sekta, na sios tu.

Long dispela wik, ol loa atoriti long Itali i holim pasim wanpela bisop long Vatiken bihainim wanpela mun wok painim long korap pasin we ol i sutim tok long em na narapela tupela lain bilong traim kisim 20 milian Yuros long Swiselan i go long Itali.

Ol ripot i kam long Zenit

Nius i tok Monsignio Nunsio Scarano em dispela bikman i stap insait long korap pasin wantaim wanpela stok broka na wanpela sikret sevis ejen.

Vatiken i tok ol bai wok wantaim ol atoriti bilong Itali long dispela samting.

Ol ripot long Vatiken i tok dispela bisop bilong Itali i bin wok olsem wanpela sinia akaunten long Edministresen long Patrimoni bilong Holi See (APSA) o Vatiken.

Dairekta bilong Vatiken Midia, Pater Federico

Lombardo i bin tokim ol ripota long dispela wik olsem ol bin stopim Bisop Scarano long wok moa long wanpela mun nau bihain Vatiken i kisim nius long pasin korapsen moa long wanpela mun i go pinis.

Pater Federico i tok dispela keis bilong Bisop Scarano bai kam aninit long lukautim bilong Fainens Infomesen Atoriti (FIA), em han we i save supavaisim ol mani i save go na kam insait long Vatiken Siti.

Ol bisop askim US Palamen long sapatim Famas Bil

OL LIDA bilong 5-pela Nesenel Katolik ogenaisesen long Amerika i gat long em tupela siaman long Konprens bilong Katolik Bisops i wokim strongpela toktok long Palamen bilong Amerika long sapatim Famas Bil.

Dispela Famas Bil ya i mekim na ol turangu na pipel i nogat kaikai long kantri na ovasis i save gat kaikai.

Tu, em i save sapatim ol dispela lain long groim kaikai, ol famili fama na lain i lukautim ol ketol olsem ol kau, sipsip, pik na moa na tu, em i save promotim pasin bilong lukautim gut graun.

Apil i bin kamap long Jun 17 pas we Bisop Stephen Blaire bilong Stockholm long Kalifonia na siaman bilong US Konprens bilong Katolik

Bisops long Domestik Jastis na Humen Developmen, na Bisop Richard Pates bilong Des Moines long Iowa husat i siman bilong USCCB Komiti long Intanesenel Jastis na Pis.

Ol narapela lain i sapatim apil em long Pater Larry Snyder husat i Presiden bilong Katolik Saritis long Amerika, Carolyn Woo em Presiden bilong Katolik Rilif Sevisis, James Ennis em Eksekutyutiv Dairekta bilong Nesenel Katolik Rurel Laip Konprens na Sheila K Gilbert husat i Presiden bilong Nesenel Kaunsel bilong Sosaiti long Santu Vincent de Paul.

Pas i agensim US\$20 bilian we gavman i laik katim i go daun Saplimen Nutrisen Asistens Progrem ol save kolim tu long fud stem.

Ol ripot it ok bikos long hevi bilong planti man i nogat wok i antap tumas na tu, ikonomi i wok long bungim hevi.

Taim ol bikman long haus palamen i redi long kisim vot long dispela 2013 Famas Bil, ol lida i bin askim ol loa meka long tingim ol turangu i hangere i stap long kantri yet ovasis, konsevesen o laukautim graun na bus samting, na rurel developmen.

"Dispela em i taim bilong bildim jas fremwok o plen we i putim ol turangu lain na ol lain i hangere o sot long kaikai pastaim, sevim ol liklik na namel sais famili fam, promotim pasin bilong lukautim gut graun na helpim ol fama na ol rurel komyuniti long kantri na long ol developing kantri," Ol bisop i tok.

Mentel Helt bung i helpim ol papamama

...Bai kirapim sapot grup

Veronica Hatutasi i raitim

WANPELA bung i bin pulim sampela papamama, ol woklain bilong Sosel Senis na Mentel Helt Seksen bilong Helt Dipatmen long putim tingting na han wantaim na painim rot long mekim ol samting long helpim ol pikinini bilong ol i gat sik long tingting.

Wanpela long ol samting ol bin toktok long en em long kirapim bek Famili Sapot Grup (FSG) bai bung long ol taim ol i makim long kamapim ol ektiviti na tu, resim mani long sapotim ol wok grup i gat plen long kamapim.

Bikpela samting em long kamapim "Plan of Care" o Plen long lukautim ol sik pikinini o memba bilong famili i gat sik long tingting.

Bung i bin harim olsem i bin gat wanpela Famili Sapot grup na taim em i ron long ol yia i go pinis, em bin wok gut, tasol long sampela salens, grup i no moa stap na bung i laik kirapim em bek gen.

Grup i bin harim olsem Rihabilitesen Senta em ples we grup i bin save bung long ol de ol i makim, tasol bikos

long mani hevi, ol no bin baim rent long opis na ol papa bilong bilding i bin lokim aut ol Rihabilitesen Senta na ol woklain. Na nau, i nogat ples bilong bung na nogat grup nau.

Long dispela bun g, ol papamama na ol woklain i bin bruk long tupela grup na toktok long ol samting we FSG i laik mekim bihain long ol i kirapim gut, votim ol eksekutiv na ol i rijistaim grup o asosiesen bilong ol.

Bihain long grup toktok i kam wantaim, sampela long ol samting we ol bin autim em, sapot long olgeta provins i mas gat rihabilitesen senta we ol lain i gat sik long tingting bai kisim helpim, long karimaut ol awenes wok, bung long wanpela taim insait long wanpela mun, olgeta papamama we pikinini bilong ol i stap long Laloki i mas kamap ol otometik memba na ol sampela samting moa.

Long sait bilong Laloki Saikaitrik Haus Sik, wanpela samting we i bin kamaut long grup toktok em long moa lotu o sios na ol mama prea grup i go lukim na pre wantaim ol siklain .

Tu, i mas gat wanpela haus



DISKASEN GRUP: Wanpela grup i toktok na bungim ol tingting long kirapim bek Famili Sapot Grup bilong helpim ol yangpela pikinini i gat sik long tingting. **Poto: Veronica Hatutasi**

lotu na saplen, pater, ministra o pasto long Laloki bilong givim spirituel helpim na gutpela stiatok i go long ol siklain, ol woklain na komyuniti long Laloki.

Ol papamama i bin stap long bung i bin amamas long lainim save ol nupela sam-

ting long sik bilong tingting we ol Mentel Helt woklain i bin givim long ol prisentesen bilong ol.

Wanpela Mentel Helt nes em long Toku Modiyola, i bin givim prisentesen long sain we i soim olsem man o meri i wok long kisim sik long ting-

ing (early signs of mental health) na pipel i ken luksave long en na kisim helpim hariap, pasin, lukluk na kain samting we man i gat sik long tingting bai wokim na wanem samting ol papamama, hauslain na gadien i ken mekim long helpim em.

Dispela prisentesen na narapela we wanwok, Pauline Karahure i bin mekim i bin helpim stret ol papamama i stap long bung long klia long sampela samting na ol i ken helpim ol pikinini bilong ol wantaim dispela sik.



SAINING: Ol opisek bilong Baptis Yunien n a PNGSDP i sainim agrimen long Mande. **Poto: PNGSDP Midia**

Wara saplai projek bai kamapim gut helt bilong pipel

SAMTING olsem 15,000 pipel i stap long ol ples klostu long Mendi Taun, Sauten Hailans bai gat seif wara saplai na tok tenkyu i go long PNG Sastenebol Divelomen Progem (PNGSDP), Palamen memba bilong Imbongu na Baptis Yunien Sios.

Kape, Longo 1 na 2 na ol narapela ples Kambe Yakipu i stap ausait long Mendi Taun em ol ples we bai kisim gut-

pela wara saplai long en Baptis Yunien bilong PNG Helt Sevis bai go hetim wanpela wara saplai projek kos bilong em inap long K591,770.

Long dispela, PNGSDP i givim K291,770, na Imbongu Memba n a Woks Minista, Francis Awesa, i givim K300,000 long sanapim dispela projek. Ol wokman bilong Baptis Yu-

nien bilong PNG Sios bai wok long projek.

Ol tripela patna insait long projek i bin sainim agrimen long dispela projek long las wik Mande.

Projek ya bai sanapim wanpela dam o raunwara bilong storim wara, sistem bai klinim wara, bikpela Sauten Kros tenk wara bai storim 80,000 lita wara na ol wara paip na ol tep.

Ol i sanapim tu wanpela komiti long ol ples yest na ol i ken kamap ol papa bilong projek, na tu, lukautim gut wara saplai bilong ol.

Sif Eksekutiv Opisa (CEO) bilong PNGSDP, David Sode, i tok taim projek i pinis, em bai givim pipel gutpela, seif na klinpela wara long ol ples pipel. Tu, helt na haijin bilong pipel bai kamap gut.

Em i tok dispela bai mekim isi wok bilong ol meri na pikinini husat i save hatwok long karim wara long longwe hap i go long haus bilong ol.

Em i tok bikpela sik pipel i kisim long ol ples em long yusim na dringim wara i no klinpela, na wantaim dispela wara saplai, ol kain sik olsem pekpek wara, belpen na moa bai go daun.

Nogut TB marasin bai kamapim hevi

OL stendet TB drag o marasin ol famasi insait long ol puo kantri i save salim i kamapim pablik helt wari, tasol ol kantri inap kontrolim dispela sapos ol gavman i go hetim Wol Helt Ogenaisesen stendet (WHO), wanpela nupela stadi i tok.

Ripot it ok ol bin baim ol 713 sempol long tupela TB marasin, antibaiotik rifampin na isoniazid long ol famasi long 17-pela kantri, na 9 pesen i no bin gat strong o i gat liklik strong tasol.

Sapos ol man wantaim sik TB i kisim dispela marasin, dispela bai nonap oraitim ol, tasol em bai kamapim "drag resistance"o, marasin bai nonap wok long ol.

Stadi i soim olsem besik TB kontrol sistem i feil, Dokter Lucica Ditiu em sekreteri bilong Stop TB Patnasip i tok.

Dispela patnasip i afiliet wantaim WHO i save saplaim long 6-pela mun, ol hai kwaliti drag long \$30 wanpela bokis.

Ol puo kantri i save kisim ol fri, ol namel mani kantri i baim lon g liklik mani na ol bikpela kantri olsem Amerika i wok long toktok long baim ol na givim i go long ol "hot spot" o ol ples we sik TB i kamap bikpela long ol.

Wanpela long ol dokta i raitim ripot i tok i moabeta long ol kantri i baim ol patnasip drag na ol gavman i putim tambu long ol narapela drag na yusim ol long ol narapela wok.



Sapotim Mursi long Kairo

OL memba bilong Muslim Bradahut na ol sapota bilong Presiden bilong Ijip, Mohammed Morsi i singaut na kolim ol hap tok sapotim em long wanpela protes raunim Raba El-Adwyia mosk skwea long Kairo (Cairo), long Tunde dispela wik.

PM Kevin Rudd i makim namba bilong meri i holim ministri wok

PRAIM Minista bilong Australia, Kevin Rudd, i tokaut long wanpela nupela fran bens tim, wantaim sampela bikpela senis.

Dispela ol senis i go long ol MP i sapotim em long holim ol ministri taim, senisim ol narapela, ol sapota bilong olpela praim minista Julia Gillard, i go long ol arapela wok.

Olpela envairomen minista, Tony Burke, husat i bin sapotim Mis Gillard, i nau kisim Imigresen Ministri.

Mista Rudd i no bin tok oraitim resiknesen bilong Mista Burke las wik. Narapela sapota bilong Gillard, Brendan O'Connor, bai kisim ministri bilong Emploimen. Long namel taim, sinia Labor Pati memba, Simon Crean i tokaut nau olsem em bai lusim wok politiks.

Praim Minista Kevin Rudd i tokaut long wanpela bikpela senis long nupela franbens bilong en, we em i givim sampela sinia ministry wok i go long ol sapota bilong en, na muvum ol sapota bilong Julia Gillard i to long ol arapela wok.

Mista Fitzgibbon i kamap Agrikalsa Minista taim Seneta Carr i holim kem wok bilong Industri na Inovesen Ministri.

Deputi Praim Minista Anthony Albanese bai teko-va long Ministri bilong Komyunikesen, em Seneta Stephen Conroy i lusim long wok na lukautim wok long lukim Nesenel Brodben Netwok (NBN).

Mista Albanese bai lukautim yet Ministri bilong Trensport na Infrastraksa.

Mark Butler bai lusim mental helt na olpela ministry, i go long Klaimet Senis na Envairomen.

Westen Australia MP, Melissa Parke, nau bai holim auta-ministri potfolio bilong Intanesenel Developmen.

Long dispela tokaut tu, sinia memba bilong Leba pati Simon Crean bai pinis long wok politiks.

Mista Crean i stap long Federal Palamen stat long 1990, na i lidim Labor long tupela yia long 2001.

Kwinslen i promis long sapotim nupela haus sik long PNG

KWINSLEN i tok orait long halivim Papua Niugini long kirapim wanpela nupela haus sik long kapitel long Westen Provins, Daru.

Gavman bilong Kwinslen i promis long halivim Papua Niugini i bildim wanpela nupela haus sik long Daru, kapitel bilong Westen Provins.

Dispela tokaut i bin kamap long wiken taim PNG Praim Minista Peter O'Neill i bin go long Townsville long Kwinslen.

Gavin King, man i go pas long Kwinslen PNG Tasfos, i tok i gat planti ol bisnis long Nt Kwinslen i ken mekim insait long Pasifik.

Em i tok gavman bilong PNG i gat planti samting, planti risos, na mani tasol ol i nogat ol save lain na pipel i go long halivim wantaim dispela ol kain wok.

Mani bilong haus sk bai kam long PNG Gavman, wantaim Kwinslen save lain i mekim disain, konstraksen,

administresen, na menesmen wok.

Dawson Wilkie, bilong Taunsvil Semba ov Komes, i tok Kwinslen gavman i mas givim ol bisnis bilong Not Kwinslen namba wan luk-save taim dispela wok i stat.

Em i tok, dispela em i narapela we bilong strongim bisnis wantaim ol na PNG.

Praim Minista Peter O'Neill i no ting ol Kwinslen bisnis bai no inap pasim ol PNG sitisen o manmeri long kirapim bisnis bilong ol yet.

PNG Motu Koitabu mas makim gutpela memba

OL ileksen bilong ol lokal level gavman long PNG klostu bai kamap, na i gat askim i go long ol papa graun long Pot Mosbi long makim ol gutpela lida.

Ol papa long graun long siti bilong Pot Mosbi em ol i kolim ol long Motu Koitabu tu, klostu bai i go long ileksen long makim nupela ol memba long Motu Koitabu Asembli.

Memba bilong Pot Mosbi Saut ilektoret, na husat tu i

Minista bilong Spots, Justin Tkatchenko, i mekim dispela askim i go long ol pipel bilong Motu Koitabu long lukim olsem ol i makim ol gutpela pipel long dispela Motu Koitabu ileksen bilong 2013.

Mista Tkatchenko i tok em i mekim dispela askim long wanem em i laikim gutpela pipel em ol i ken bringim na kamapim sampela gutpela sevis i go long ol pipel.

SI bai resis long Hap Maraton resis long Gold Coast

ATLETIKS Federesen bilong Solomon Ailans bai salim tupela sumatin rana i go long Gold Coast siti long Kwinslen we ol bai resis long Sande long Hap Maraton.

Solomon Atletiks Federesen, bai salim tupela sumatin long resis long Hap Maraton long Gold Coast long mun Julai.

Rosefelo Siosi na Henry Mabe, i makim planti long ol yangpela sumatin long Solomon Ailans, husat i bin

traim strong bilong ol long winim dispela resis tasol, tupela i winim ol gen.

Las yia, tupela i bin go long Gold Coast we Rosefelo Siosi i bn winim Anda 18 Kategori.

Tasol Solomon Ailans Atletiks Federesen i tok bikpela salens bilong ol, em long painim skul long Honiara, we tupela i ken tren wantaim oltaim.

Martin Narara, Preside bilong Solomon Ailans Atletiks, i tok wokabaut bilong ol i go long Kwinslen resis, i kamap wantaim halivim bilong Osenia Atletiks.

PNG i painim hat tru long lukautim bodamak

EKSEKETIV Dairekta bilong Institut bilong Nesenel Afes, Paul Barker, i tok Papua Niugini i painim hat tru long lukautim bodamak bilong en, na bikpela hevi long en, i stap long solwara. Em i tok em i hat long sekim olgeta ovasis bot i kamap long provins, we em i nogat gutpela sistem

long sekim ol.

Papua Niugini i gat bikpela hevi na wari wantaim ol sosol isiu, bikpela namba bilong ol mama na pikinini i dai nating na tu, bikpela namba bilong ol pipel i no go skul o pinisim skul.

Wantaim dispela ol wari, Papua Niugini nau i painim hat tru long lukautim ol bodamak bilong en na stopim pasin bilong bringim hait ol pipel bilong Asia i kam insait long kantri.

Wanpela ripot bilong Stet Dipatmen bilong Amerika, i bin mekim dispela tokaut, we em i bin sutim tok long ol gavman opisa long helpim long bringim hait ol meri bilong ol narapela kantri long mekim pamuk pasin long ol maining na loging eria.

Ripot tok tu olsem sampela kriminal lain bilong Asia, i save go pas long ol dispela wok we ol i save yusim tu ol yangpela meri bilong PNG long mekim paul pasin.

Eksekutiv Dairekta bilong Institut ov Nesenel Afes long Papua Niugini i tok boda isu i wanpela long planti ol wari i kamap long kantri.

Praim minista strongim bilip bilong ol liklik bisnis

SAPOS i gat wanpela rot bilong strongim sindaun bilong ol pipel bilong yumi, em bilong strongim bilip bilong ol long inapim olgeta driman na laik bilong ol long gutpela rot.

Praim Minista Peter O'Neill i mekim dispela long Madang long dispela wik Trinde.

Asde, Trinde, i makim namba tri na laspela de bilong bikpela kibung bilong ol Smol na Midium Entaprais (SME), o bisnis.

Moa long 400 bisnis manmeri long olgeta foapela rijen bilong kantri i bin bung long Madang, long tok pait long ol banis na birua long ol liklik bisnis bilong ol PNG manmeri yet.

Man i go pas long kamapim dispela kibung, em Komes, Tred na Industri Minista, Richard Maru.

Maru em i no nupela man long wok bisnis, na halivim ol liklik manmeri long sanap long lek bilong ol yet.

Bipo long em i bin go insait long wok politikis, em i bin bosim, na bihain, senisim na strongim Nesenel Dvelopmen Benk (NDB).

Nau em i minista i bosim tred na indastri, na em i laik senisim bihain taim bilong ol liklik manmeri, long bisnis, na long kirapim samting ol yet.

Maru yet, i gat luksave, olsem namba wan bikpela hevi yumi gat nau, em long ol yangpela bilong yumi, na moa yet, ol asples manmeri bilong yumi i nogat wok, o i nogat rot bilong kirapim ol liklik bisnis bilong ol yet.

Wanpela bikpela toktok i pairap long dispela SME kibung, em long ol wok we bipo gavman i bin pasim bilong ol asples PNG yet, nau i go long han bilong ol manmeri bilong ol arapela kantri.

Dispela hap tok, wantaim ol arapela hevi olsem ol bisnismanmeri bilong yumi nogat inap save bilong wok bisnis; ol yangpela bilong yumi nogat tingting long kirapim bisnis bilong ol yet; na ol kliia banis bilong stiaim ol ausait kampani na bisnis bai ol i noken kalapim mak

na mekim wok bisnis bilong ol PNG stret.

Planti gutpela toktok i kamap, long ol rot bilong strongim ol pipel bilong yumi long painim gutpela sindaun.

Tingting bilong Maru, em long bungim olgeta ol dispela tingting i kam long ol bisnis manmeri bilong yumi, na givim long han bilong Praim Minista Peter O'Neill, long karim i go long kabinet, na bungim sapot long ol long floa bilong palamen.

Asde, Mista O'Neill i kamap long Madang, na em i givim stret tingting bilong en long wanwan long ol bikpela astingting i kamaut long dispela kibung.

Long 21 rekomendesen i kamaut long dispela kibung, O'Neill i givim tok orait bilong en, na luksave bilong en long go het wantaim sampela long ol pinis.

Em i toksave olsem em i luksave long askim bilong ol bisnismanmeri long:

- Sekim gen na bringim bek lista bilong olgeta wok bisnis we ol PNG asples tasol i ken holim;
- Kamapim loa bilong Nesenel Konten, o loa i makim olgeta samting we i mas stap long han bilong PNG yet, taim ol bikpela kampani bilong ausait i laik kam kirapim projek wok long graun bilong yumi;
- Skulim ol yangpela bilong yumi long wok bisnis, we nupela skul kurikulum bilong kantri bai mas gat moa metametiks, saiens, na bisnis skul i stap insait;
- Strongim save bilong ol skul liva, we long 2014, bai olgeta pikinini i mas pinisim skul long prep i go inap gret 12;
- Lukluk long ol arapela kantri olsem Malesia long kisim stia long kamapim senis long ekonomia na bisnis sindaun bilong yumi long kantri long ol SME;
- Glasim gut wok pasin bilong ol Gavman Ejensi, long daunim ol sas i go long ol kastoma o



bisnis;

- Lukluk long sanapim wanpela grent skim bilong ol SME;
- Karimaut wok glasim na sekim long takis sistem na sas; na
- Glasim ol fainensal sevis sekta long kantri, we gavman bai glasim gut ol sas ol benk na arapela mani bisnis i save givim long ol kastoma.

Olgeta dispela samting, em Praim Minista O'Neill i tok em bai sapotim long kamapim.

Long Mista Maru na ol lain long NDB, em i gutpela toktok tru i kam long maus bilong namba wan lida man bilong yumi.

Long ol bisnis, em i gutpela tok-save tru, long lukim kain sapot olsem i kam long praim minista bilong kantri.

Na long yumi olgeta arapela manmeri long kantri, em i soim olsem praim minista, na gavman bilong en, i gat bilip long kamapim mobeta sindaun na luksave bai kantri bilong yumi ken sindaun gut.

Bilip i no samting nating. Em i samting we i ken kirapim bel, strongim tingting, na kamapim senis.

Dispela nau, em i kliia pinis.

Senisim pasin long daunim AIDS

OL yut na ol yanpela manmeri long Is Nu Briten i save kisim spak brus, dringim hombru na ol narapela strongplea drink i kirapim tingting bilong ol long mekim pamuk pasin bai kisim HIV/AIDS.

Is Nu Briten Provinsel AIDS opisa, Steven Auri, i mekim dispela toktok long Intanesenel Nakotiks de bilong stopim long smukim spak brus, hombru na ol arapela strongplea dring long Kokopo long las wik Fonde.

Mista Auri i tok, sapos yu smukim spakbrus, drinkim hombru na ol narapela strongplea dring, dispela bai bagarapim tingting bilong yu long mekim pasin pamuk, na bai yu kisim sik HIV/AIDS.



Em i tok sik HIV/AIDS i kamap bikpela long dispela kantri.

Em i tok nau yet 45,000 manmeri i stap wantaim sik HIV/AIDS long PNG na long dispela namba 3,000 em ol liklik pikinini.

Mista Auri i tokaut namba bilong sik HIV/AIDS long kantri i

stap long 9.2% antap long ol arapela kantri.

Moa yet, em i tok olsem namba bilong sik HIV/AIDS long Niugini Ailan rijen i sanap long 0.04% na long ENB, namba bilong sik HIV/AIDS i sanap long 0.12%.

Em i tok ol manmeri i stap wantaim sik

HIV/AIDS long Is Nu Briten long fes kwata bilong 2013, namba bilong emi i sanap long 336.

Em i tok dispela kain pasin yumi mas senisim long daunim sik nogut i noken kamap.

Mista Auri i tok ENB em i wanpla provins i wok long gro hariap abrusim ol arapela provins long NGI rigen na long ol Pasifik kantri.

Em i singaut i go long ol yanplea manmeri long lukautim ol yet long noken kisim sik HIV/AIDS bikos ol dispela e manmeri em ol lida manmeri bilong tumora.

Moa yet, em i tok ol bai kisim ikonomi o wok bisnis bilong kantri i go het long bihain taim long kirapim gutpela sindaun bilong ol manmeri long kantri.

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500
Websait: www.wantokniuspepa.com
Pe bilong wanpela yia, 52 niuspepa

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.

WOLNIUS - WOLNIUS - WOLNIUS - WOL

1



1. NUPELA MARASIN:

Nupela Marasin inap long giamanim binatang nogut na bildim drag imiuniti insait long bodi i soim sain olsem i wok long laboretori bilong Adelade Yunivesti long Australia. Ol rises saientis bilong Adelade Yunivesti na Monash Yunivesti na Adelade Wimen's na Haussik bilong ol Pikinini i bin kamapim dispela marasin long stopim groa bilong drag insait long bodi. Wok glasim i nupela yet na taim ol i stretim, ol nupela arapela drag bai ol testim long dispela nupela marasin, Profesa Andrew Abell i tokaut.

2. PRESIDEN I NO GIVAP:

Mohammed Morsi, Presiden bilong Egypt i tokim ol pipel husat i birua wantaim em, em bai difenim presidensi bilong em wantaim laip bilong na tokim ol long stopim dispela pait.

3. MANDLA GO KOT:

Ol famili memba bilong olupela foma Saut Afrika president Nelson Mandela i wok nau long sasim tumbuna pikinini bilong Mista Mandela, Mandla Mandela long senisim mat-mat graun bilong femili long narapela hap.

4. ROKET PAIARAP:

Wanpela roket bilong Rasia pairap na kamapim bikpela paia taim ol i lonsim long Rasia. Bikpela bagarap i bin kamap long dispela taim.

5 BIKPELA PAIA:

.Bikpela paia i kamap long Arizona long Amerika i kilim dai 19-pela Paiaman. Hia ol wok-man i trening long we bilong sevim yu yet taim yu stap insait long bikpela paia long bik-bus.

2



3



4



5





Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta
2pm - 6pm - Sarere Avinun Cruz

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op

TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...

Pepsi jem wantaim Rustbucket

Gary (Rustbucket) Denman, i kamapim gen pepsi jem long Roiyol Papua Yot Klab (RPYC) long las wik Sarere wantaim traipela pairap.

Yot Klab i bin pulap stret wantaim musik long dispela taim. Ol papa bilong klab wantaim ol ges bilong ol i laikim stret.

Tamarua na David Hakalitz bilong X-Tension. Bihain long dispela Chuckler na Jimmy wantaim ben bilong Jerry David i bin kamap.

nupela kain stail long ol dram we ol lain i no save harim bipo wantaim Mark Soi (em i bin bipo wanpela memba long X-Tension) long gita, Frank Tamarua long ki bot na Flora Suve na Carol Kidu bilong X-Tension i bek ap.

mun, yu kam daun long Roiyol Papua Yot Klab na amamasim apinun bilong yu wantaim Rustbucket, X-Tension Ben na Pepsi. Bikpela tenkyu i go long Paradise Beverages Ltd wantaim wanpela ben bilong ol Pepsi na RPYC long sponsaim dispela jem taim.



RUSTBUCKET: Garry Denman

X-TENSION BEN: Sampela X-Tension Ben memba sanap wantaim Pepsi Jem Yunifom. Foto: RPYC

EMTV Television Guide

FONDE JULAI 4, 2013
4:57 AM G AUSTRALIA NETWORK
5:00 AM G JOYCE MEYER Ep#1033 - 4
5:30 AM G EMTV NEWS REPLAY
6:00 AM G TODAY
MALOLO CLUB
GRUMPY OLD MAN
THE SECRET GARDEN
TANGLED
MISSING LYNZ
KIDS KONA
HI 5 - S5 Ep#9/33

7:00 PM G RAIT MUSIK Ep#168
8:00 PM G RESOURCE PNG EP#78
9:00 PM G SOKA XTRA
9:08 PM G HOT SPOT EP#21
9:30 PM G ELITE MUSIC ZONE EP#22
10:00 PM G NRL FOOTY SHOW
11:30 PM G NEWS REPLAY
FRAIDE JULAI 5, 2013
4:57 AM G AUSTRALIA NETWORK
5:00 AM G JOYCE MEYER Ep#1033 - 5
5:30 AM G EMTV NEWS REPLAY
6:30 AM G TODAY

MALOLO CLUB
NIM'S ISLAND
THE AMAZING SPIDERMAN
HOODWINKED
GNOME & JULIET
KIDS KONA
HI 5 - S5 Ep#10/33
4:00PM SNOBS # 21 (Family Drama)
4:30PM FOREIGN EXCHANGE #16
5:00 PM G KITCHEN WHIZ S3 - Ep#24
5:30 PM G LAST MAN STANDING EP#8/23
7:00 PM G IN MORESBY TONIGHT - EP#21
7:30 PM G NRL ROUND 17
SHARKS vs. W. TIGERS
9:30 PM G NRL ROUND 17
STORM vs. BRONCOS
11:30 PM G EMTV NEWS REPLAY

SARARE JULAI 6, 2013
4:57 AM G AUSTRALIA NETWORK
6:30 AM G EMTV NEWS REPLAY
7:00 AM G HILLSONG- Ep#856
7:30 AM G AUSTRALIA NETWORK
8:00 AM G YOGA SUTRA Ep#16 "Stress"
8:30 AM G BUSINESS PNG Repeat. #24
9:00 AM G MARTIN MYSTERY EP#27 #28
9:30 AM G OLSEM WANEM- Repeat #23
10:00 AM G RESOURCE PNG -Repeat #78
11:00 AM G ITALIAN KHANNA
AROUND THE WORLD IN 85
PLATES (Ep#31)
NRL ROUND 17
TITANS vs. PANTHERS - REPLAY
NRL ROUND 17
RAIDERS vs. COWBOYS

4:00 PM G NRL ROUND 17
BULLDOGS vs. KNIGHTS
6:00 PM G EMTV NATIONAL NEWS
7:00 PM G TOK PIKSA EP#25
7:30 PM G NRL ROUND 17
RABBITOHS vs. WARRIORS
9:30 PM G 60 MINUTES - EP#20

TORO



BIABIA



KANAGE



TOKWIN

Husat tru kilim ol Saina long Koki....

PNG em olsem wanem nau? Tupela mun i go pinis ol mekim Deth Penalti olsem i wanpela Mama Loa pinis tasol kilim dai nating wok long kamap bikpela tru i stap..Hap aste tasol sampela birua i go kilim dai nating wanpela Saina femili long koki stua long 8kilok moning we nogat man o meri i save. Tude nau polis wok long mekim wok glasim long kisim ol dispela birua lain. Liklik tokwin i go

olsem, ol birua husat i kilim ol em ol lain bilong ol yet husat i kamapim wanpela kain Mafia kain wok insait long ol Saina komyuniti insait long PNG...Tingim stori long bifo tru we sampela ol Saina i dai long wankain birua long Hohola bekeri stua insait long Mosbi. Tokwin i go olsem ol Traiads bilong Saina i kilim ol.. Dispela tu mas wankain!

Det Penalti i kamap, tasol ol man i no harim gut yet...

Plantu kilim dai nating man i wok

long kamap bikpela yet long ol siti. Yumi ritim pinis na harim gut pinis long redio olsem gavman i oraitim mama loa long Det Penalti.

Tasol long laswik tasol ol birua i kilim dai nating wanpela man long Morata na tromoi bodi bilong em long fran bilong haus bilong wanpela man... na long Lae, ol raskol i kilim dai nating wanpela sumating long mobail fon bilong em tasol... Ol birua i no pret long ass bilong deth penalti.

Ating yumi kilim wanpela trabol man long pablik na ofim sampela pastaim..

Hariap na stat wok long det penalti!

Tokwin Tasol...

Long yupela ol gutpela Wantok rida i save wokim ol Sudoku kroswod pasel, dispela em nupela SUDOKU.

Long solvim Sudoku pasel, putim wanpela namba long wan wan bokis na olgeta ro olsem akros, daun, na olgeta liklik 9-pela bokis skwea long bikpela daigrem o bokis (i gat 9-pela olgeta) bai gat ol namba long 1 inap long 9. Wanpela namba i mas kamap wanpela taim tasol long wanpela ro. Wok wantaim ol namba olsem gaid o stia na wok long pinisim wan wan daigrem wantaim ol missing namba we bai mekim yu painim solusen. Tenkyu na gutpela pilai

STATIM PILAI

Lukluk long namba 9 kolum, bilong pasel piksa i stap long han kais. i gat ol sain insait long pasel bai i ken toksave long wanem hap insait long dispela kolum bai namba 3 i go.

Nambawan sain i stap long namba 8 kolum insait long piksa. I gat wanpela namba 3 insait long namba 5 bokis. Bai yumi i no i nap long putim wankain namba tupela taim insait long wanpela 3 x 3 bokis eria, olsem na yumi bai i no i nap putim namba 3 insait long bokis namba foa, faiv o siks insait long namba 9 kolum.

Yumi ken rausim tu tripela bokis daunbilo tru long namba 9 kolum bikos i gat wanpela namba 3 insait long dispela 3 x 3 bokis eria tu. Olsem na dispela namba 3 i mas go long namba 2 o 3 bokis bilong namba 9 kolum.

Laspela sain nau i stap insait long namba 2 lain bilong piksa na em i gat wanpela namba 3 pinis long en. Loa bilong pilai i tambu long wanpela namba i kamap tupela taim insait long wanpela lain, olsem na i gat wanpela bokis tasol nau i stap long dispela namba 3 i go insait - em namba 3 bokis bilong namba 9 kolum.

Bihainim dispela stail na wankain tingting na rausim i nap ol pasel bokis i pulap olgeta.

Sapos yu laik save moa long insait bilong dispela pilai, yu ken go long webait long pennydellpuzzles.com.

EXAMPLE

		7	9				1
2	3	8				6	7
		6		2	7		
	7	8		5			
	5		2		6		3
				1		9	5
			6	3		8	
	8	4			9	2	1
2				1	3		

EXAMPLE SOLUTION

8	4	7	9	6	3	5	2	1
1	2	3	8	4	5	6	7	9
5	9	6	1	2	7	4	8	3
9	7	8	3	5	4	1	6	2
4	5	1	2	9	6	7	3	8
6	3	2	7	1	8	9	5	4
7	1	9	6	3	2	8	4	5
3	8	4	5	7	9	2	1	6
2	6	5	4	8	1	3	9	7

					6		2	9
4	8	7	2					6
		9	3				7	
9	2		7		4	3		
7		8				9		1
		1	8		9		5	2
	7				3	2		
3					2	6	1	7
1	9		5					

Ansa bilong Sudoku long neks isu.

EMTV Television Guide

10:30 PM MAO SUNDAY NIGHT MOVIE

"The Bodyguard"
Drama | Music | Romance
A pop singer has been receiving threatening notes, and her manager hires a bodyguard known for his good work. The bodyguard ruffles the singer's feathers and most of her entourage by tightening security more than they feel is necessary. The bodyguard is haunted by the fact that he was on Reagan's secret service staff but wasn't there to prevent the attack by Hinckley. Eventually the bodyguard and the singer start an affair, and she begins to believe his precautions are necessary when the stalker strikes close to home.
Stars: Kevin Costner, Whitney Houston, Gary Kemp

12:30 AM G **HILLSONG** Rpt...#856

1:00 AM G **NATIONAL EMTV NEWS - Replay**

.....followed by the Australia Network

MANDE JULAI 1, 2013

- 4:57 AM G AUSTRALIA NETWORK
- 5:00 AM G JOYCE MEYER Ep#1033 - 1
- 5:30 AM G EMTV NEWS REPLAY
- 6:00 AM G TODAY
- 09:00 AM N/EDUCATION MEDIA CENTRE
- MALOLO CLUB -
- 12:00 PM G CARS (Animation)
- 2:00 PM G SHREK - Forever After
- 3:30 PM G KIDS KONA
- 3:30 PM HI 5 - SS Ep#6/33
- 4:00PM SNOBS # 17 (Family Drama)
- 4:30PM FOREIGN EXCHANGE #12 (Comedy)
- 5:00 PM G KITCHEN WHIZ S3 - Ep#20
- 5:30 PM G TOTALLY SPIES Ep#9

"Abductions"

- 5:57 PM G CRIME STOPPERS
- 6:00 PM G EMTV NATIONAL NEWS
- 7:00 PM G PNG POWER -
- 50TH ANNIVERSARY
- 7:30 PM G NRL ROUND 16
- ROOSTERS vs. SEA EAGLES
- 9:00 PM G COCA-COLA SPORTS SCENE
- EP#22
- 9:30 PM G EMTV NEWS REPLAY
-followed by the Australia Network
- TUNDE JULAI 2, 2013
- 4:57 AM G AUSTRALIA NETWORK
- 5:00 AM G JOYCE MEYER Ep#1033 - 2
- 5:30 AM G EMTV NEWS REPLAY
- TODAY

09:00 AM

N/EDUCATION MEDIA CENTRE

- MALOLO CLUB
- 12:00 PM G THE DESCENDANTS
- 2:00 PM G FLIPPER
- 6:00 PM G EMTV NATIONAL NEWS
- HAUS & HOME #21
- 8:00 PM G BUSINESS PNG - Ep#24
- 8:30 PM G BODY OF PROOF
- Australia Network
- TRINDE JULAI 3, 2013
- 4:57 AM G AUSTRALIA NETWORK
- 5:00 AM G JOYCE MEYER Ep#1033 - 3
- 5:30 AM G EMTV NEWS REPLAY
- TODAY
- 09:00 AM N/EDUCATION MEDIA CENTRE
- NATIONAL IN-SERVICE SCHOOL
- TRAINING

MALOLO CLUB

- 12:00 PM G FIREPROOF
- 2:00 PM G FINDING NEMO
- 5:57 PM G CRIME STOPPERS
- 6:00 PM G EMTV NATIONAL NEWS
- EMTV brings you what's happening around the country and abroad in news, sports and weather.
- 7:00 PM G FACT FILES - Great Animal Escapes Ep# 1 & 2
- 8:00 PM G TOK PIKSA Ep#24 - Repeat....
- A repeat of the Sunday's Tok Piksa Program.
- 8:30 PM THE ARROW -
- PREMIERES..... "Pilot"
- 9:30 PM G EMTV NEWS REPLAY
-followed by the Australia Network

Ol Progam na Kilok i ken senis oltaim...

Raun wantaim Kanage olgeta wik



NEM: Nick Kwau
KRISMAS: 30 (Man)
ADRES: PO. Box 1349, Wewak, East Sepik Provins
SAVE LAIKIM: Ritim buk, singsing, go Lotu, mekim pren wantaim arapela and trevol.

NEM: Raphael Iwap
KRISMAS: 18 (Man)
ADRES: St. Michael Secondary School, PO. Box Private Mail Bag, Madang Provins
SAVE LAIKIM: Pilai gems, pilaim musik, operetim kompyuta, wok teknisen, ritim buk na go long skul

NEM: Vincent Awon
KRISMAS: 30 (man)
ADRES: Kamate Coca Co-operative Society Limited, PO Box 298 Madang Provins
SAVE LAIKIM: Welding, cocoa trena, menesim bloks, Raising Beans long ekspot, mekim fani, harim musik na painim wanpela meri long maritim na stap wantaim oltaim.

NEM: Junior B. Dadis
KRISMAS: 32 (Man)
ADRES: College of Distant Education, PO Box 2071, Yomba, Madang Provins
SAVE LAIKIM: Go danis, harim reggae musik, lukim CD, tok pilai na go swim

NEM: Jason Elmon
KRISMAS: 19 (Man)
ADRES: Bema High School, PMB Bema, Lae Post Office Morobe Provins
SAVE LAIKIM: Mekim pren, pilai soka, go Lotu, mekim fani na toktok wantaim ol narapela lain.

NEM: Gabriel Bania
KRISMAS: 23 (Man)
ADRES: St. Christopher Primary School Turubu East Coast, C/- Bill Orenge PO Box 466, Wewak ESP
SAVE LAIKIM: Autim tok bilong God, serim toktok ol samting, pilai gspol musik, helpim na mekim wok marimari na go Lotu.

NEM: Jenna Hill
KRISMAS: 35 (Meri)
ADRES: PO Box 90, Adoagyiri, Nsawam Ghana, West Africa - 00233 541705015 e-mel: waysofl@yahoo.com
SAVE LAIKIM: Kanntri musik, kukim kaikai, raitim pas na painim wanpela man long maritim

NEM: Rex Yatapsa
KRISMAS: 30 (Man)
ADRES: Wambi DC, PO Box 352, Bulolo Morobee Provins
SAVE LAIKIM: Go Lotu, serim tok bilong God wantaim arapela, stretim hevi bilong ol arapela manmeri, Wok gol na wokim gaden.

NEM: Robert Daniel
KRISMAS: 14 (Man)
ADRES: Kanabea Catholic Mission, PO Box 90, Via Kerema, Gulf Provins
SAVE LAIKIM: Pilai gita, volibol, soka, tats, mekim fani, stori, watsim TV, harim Lotu musik, go skul, tek pat long yut wok, go Lotu na lukautim ol enimal na plens.

NEM: Awaten Kembo
KRISMAS: 20 (man)
ADRES: Bema High School, PMB Lae, Morobe Provins
SAVE LAIKIM: Pilai volibol, vok, basketbol, harim musik, mekim fani, go Lotu, ritim buk na niuspepa na stori wantaim ol poroman-meri.

Tripela poro i go long kalabus
 NEM bilong ol em Fafti, Yokomo na Kanage. Ol i no save long tok Inglis na ol i save stap long ples tasol. Wanpela taim ol plen long go long taun long lainim tok Inglis. Fafti go pas long taun, long taun em harim ol man tok, "3 of us", em lokim tasol long het na kam long ples. Neks de Yokomo go long taun na kam wantaim tok Inglis, "Because of money". Laspela man long go long taun em Kanage na em i kam bek wantaim tok Inglis bilong em, "Lets go". Potnait Fraide kam na tripela laik traim tok Inglis bilong ol na ol i go long taun. Long rot ol raskol kilim wanpela man na kisim mani bilong em na ronawe, na tripela brada go kamap long hap we man i dai stap. I no long taim polis kam kamap na askim ol, "Who killed this man?" Fafti tok, "3 of us", Polis askim gen, "Why did you kill him?" Yokomo bekim, "Because of money", Polis bel hat na tok, "You want me to take you to jail?" Kanage



ansarim, "Lets go, na polis kisim tripela go long kalabus."
Sims 4Mile, Popondetta Awara Tasol

'Earthquake Man'
 KANAGE em bilong ples Motonau long Not Kos Rot long Madang. Em i raunraun na em i hangre nogut tru na em go long haus na nogat kaikai. Isi tasol Kanage i stilim pis bilong meri bilong em na laik stat long kaikai i stap na wanpela poro kam na kolim nem bilong em, em guria nogut tru na laik tok yu mekim na mi guria na em abrus na tok, "Yu make me and i earthquake ya." Poro harim na tok stil man wantaim rong tok pisin.
Freda Melchior Motonau, Madang

Man o wara i toktok?
 KANAGE i kisim wara go na em i harim olsem ol i wok long senisim presen na tok meri krismas na hepi niu yia na amamas ol yet na tok na sekan i go i kam long soim amamas bilong ol wantaim krismas na hariap tasol em tok mi mas go hariap long haus na gritim meri bilong mi tu. Taim em kamap long haus em holim meri bilong em na tok, "Where is my christmas?" meri kirap nogut long harim dispela tok na em i bekim, "Yu kilia, long long man. Man tru tru toktok o wara toktok"
Freda Melchior Motonau, Madang

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email:
jwilson@wantok.com.pg

LNG Projek mani i mekim mi wari

Dia Laipain,

MI WANPELA gutpela sios lida bilong wanpela long ol projek eria. Taim peimen bilong projek mani i stat, mi lukim olsem ol lida bilong ol papagraun grup we ol i makim long lukautim mani i save slip long ol hotel na yusim ol haia kar olgeta de.

Planti ol pleslain i lusim ples na go pulap long Mosbi i stap na ol i nogat taim nau long ol sios progrem. Liklik lain tasol nau i stap insait long ol sios progrem. Pastaim i no bin olsem. Nau long ples, spak pasin i no isi na planti famili i bisi long ol samting bilong graun we i no bihainim stretpela pasin Bikman i laikim long en.

Mi wari tru long bihain taim bilong pipel bilong yumi.

Disturbed Christian

Tenkyu tru long autim dispela bikpela samting i wok long kamap nau bikos long LNG Projek.

Mipela i luksave long wari yu gat long pipel bilong yu na moa yet, ol lain i kam bihain.

Pren, dispela i mas opim ai bilong olgeta na ol lida bilong yumi i mas kirap. Yu wok long tok olsem ol sios memba i no moa go insait long ol progrem na sios wok olsem long pastaim? Mipela i bilip olsem yupela i mas mekim samting nau long helpim pipel bilong yumi nau.

Pren, mipela i amamas long yu i skruim strong bilip bilong yu long mekim wok bilong God long ples bilong yu. Mipela i strongim yu long go het na strongim dispela wok bilong Bikman. Maski sampela taim yu bai pilim olsem



em yu yet wantaim liklik lain memba tasol, noken givap, tasol strongim wok bikos olgeta samting i kamap long laip i gat as na prais bilong em. Ritim Romans 8:28.

Yu toktok tu long pasto bilong yu long wari bilong yu? Sapos nogat, i moabeta yu go lukim em na toktok long ol wari bilong yu wantaim long en. Nogut em tu bai gat wankain wari olsem pasto bilong yu long ples. Dispela tu i ken opim ai bilong pasto long ples. Watpo na mani i pulim ol sios memba na ol i no bisi long wok bilong ol olsem ol Kristen? Olsem wanpela man i wari long komyniti bilong yu, i moabeta yu toktok wantaim pasto long singautim wanpela bung na bai yupela i kisim tingting bilong pipel long ol samting ya na bai yupela i ken painim sampela rot long stretim ol.

Pren, olsem wanem long yu, yu wanpela lida long wanpisin bilong yu o? Sapos yu wanpela, i moabeta yu kisim dispela wari i go long ol narapela lida na bai yupela i wokim samting long stretim dispela hevi bipo em i go nogut. Pren, developmen i save kamapim ol gutpela na nogut samting.

Mipela i bilip olsem taim pipel i gat gutpela pasin, dispela bai helpim ol long samting ol i laik mekim long laip na sindaun bilong ol. Taim man i no strong long sait bilong gat gutpela pasin, em bai no inap strong long wokim gutpela disisen taim em i lukim bikpela mani na bungim ol

kain salens long laip bilong em. Yu tingting long lukim pasto bilong yu?

Wanem disisen yu wokim nau bai stiaim wokabaut long bihain taim bilong yu na mipela i bilip olsem bai yu sanap strong long wok yu mekim bilong Bikpela.

I gat presen tu long olgeta samting wan wan man i mekim long en. Ol samting bilong

dispela graun em bai stap long liklik taim tasol yumi stap laip na taim yumi dai, ol i

pinis. Tasol Tok bilong God stap tru olgeta taim. Ritim Matyu 24:35. Tok bilong God

tasol i tru na bai stap laip oltaim oltaim. Olsem mipela i tok pinis antap, go het long

karimaut gutpela wok na holim strong long bilip bilong yu. I nogat samting i rong

sapos man i gat planti mani, tasol taim man i no yusim gut mani, rong, samting i no

stret na hevi i save kamap. God i ken givim yu gutpela tingting.

Pren bilong yu

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

Westpac opim edukesen gren bilong ol meri

WESTPAC Benk i tokaut olsem em i opim nominesen bilong raun 4 bilong Westpac Women's Edukesen Gren program, we benk i givim ofa long ol meri bai gat sans long kisim mani helpim i ken surukim save bilong ol.

Westpac i ofaim 3-pela edukesen gren long PNG long dispela raun 4 we i gat 3-pela K6,000 gren long givim ol meri long stadi long teteri institusen. Ol Meri sumatin husat i stap nau long skul o long wok na laik go bek long skul long surukim save bilong ol i ken aplai.

Westpac Benk bosman, Ashleigh Matheson, i tok Westpac i bin givim dispela gren helpim bilong ol

meri stat long 2011 bikos benk i luksave long wok bilong edukesen na ol meri i mekim long developim komyuniti long Pasifik.

Mista Matheson i tok benk i gat bikpela bilip long dispela kantri i ken groa moa taim ol meri i kisim strongpela lidasip posisen, na stap strong long ol wok bisnis. Em tok em impoten long benk bai givim gren long surukim save bilong ol meri bikos edukesen em i ki long developmen bilong kantri.

Mista Matheson i tok ol meri husat i kisim gutpela edukesen i gat strongpela sans long stap long wok bilong ol. Em tok Westpac benk i lukluk long helpim ol meri long stap strong long wok bilong ol na helpim long wok devel-

opmen bilong kantri. Aplikesen bilong raun 4 Womens gren i op long Jun na bai pas long Julai 19, 2013. Benk bai tokaut long wina long Ogas 12, 2013.

Long winim dispela gren, ol meri husat i aplai bai raitim esei o stori long wanem samting ol i mekim long kamapim senis long komyuniti na long wanem as.

Gren aplikesen fom na rot bilong aplai stap long websait bilong benk long www.westpac.com.au/pacific na stap long olgeta brens bilong Westpac long kantri.

Mista Matheson tok em gutpela long ol meri long olgeta hap long kantri ken aplai long winim ol gren long surukim save bilong ol.



Westpac Benk wokmeri soim giaman sek bilong K6,000 gren we wanwan wina bai winim long edukesen gren.

Wokman bilong sip winim smatpon

WANPELA wokman bilong Lutheran Siping i kamap wina bilong BSP Galaxy S3 smatpon bihain long em bin mekim sampela benk trensekse long mobail pon bilong em.

Clement Muliati, husat save lusim bikpela taim long solwara i tok em i amamas tru long harim olsem em winim smatpon taim BSP i tokim em olsem em i winim Galaxy S3 smatpon. Mista Milait kisim pon em winim long BST hetopis long Pot Mosbi long Mande dispela wik.

Mista Muliati i tok em save mekim planti benking bilong em long mobail pon bikos em tok em wok long sip na planti taim em stap long solwara.

Wina man ya i tok em no ting olsem em bai winim smatpon. Em tok em mekim bek-

ing tasol long pon na tok tenkyu long BSP long kamapim promosen long givim sans long kastoma long winim ol latest pon olsem S3 Galaxy Smatpon.


Dispela BSP Mobail Benking Promosen bai go het inap long 31 de bilong Julai 2013, na BSP bai givim Samsung Galaxy S3 na 10 pela Nokia Asha pon long wanwan wik.

BSP Mobail Benking em kosim liklik mani long mekim trensekse na tu, em isi tru long mekim benking wantaim mobail pon.

Kastoma bilong Mobail benking ken yusim mobail pon long sekim akaun balens, sekim istri bilong akaun, salim mani, topap wantaim Digicel pon na tu, ken peim pawa bil wantaim Isipe.



Clement Muliati kisim Samsung Galaxy S3 smatpon long BSP E- Sanel Opisa, Lynda Karo.



Wantok

Advertise your Business right here!!

We deliver your message right to the remote areas of PNG where others don't go. **Wantok Niuspepa** is your medium to communicate your business now.

Niuspepa Bilong Yumi Ole PNG Stret!!




Call the Advertising team on,
Ph: 3252500 Fax: 3252579 or
Email: advertising@wantok.com.pg or
Website:www. Wantokniuspepa.com



GLASIM RAMU NICO PROJEK



Wanpela Ramu NiCo, Wanpela Komyuniti

Minista John Pundari soim tok hamamas long Ramu NiCo

MINISTA bilong Environmen na Konsovesin, John Pundari i soim bel hamamas bilong gavaman na tok tenkyu long Ramu NiCo main insait long Madang Privins long wanpela ron bilong em i go long rifaineri bilong Ramu NiCo long Basamuk. Minista i luksave long ol bikpela wok Ramu NiCo i mekim long kamapim dispela bikpela nikel na kobalt projek insait long kantri, PNG we klostu bai i karim kaikai.

Long dispela ron bilong Minista long Tunde Julai 2, Gavama bilong Madang, Jim Kass na ol teknikal ofisa bilong DEC (Dipatmen ov Environment & Consovesin) tu i bin stap long em. Ol bikpela bos lain bilong Ramu NiCo, Siaman bilong Ramu NiCo na MCC, Mista Zhao Shimin, Vais Presiden, Mista Gu Yuxiang na Brenden Cecil diputi registred Mines Menesa tu bin bin stap long bungim ol Mista Pundari.

Long Basamuk, Mista Pundari i bungim tu ol papagraun bilong Basamuk asples na toktok long ol. Em i soim bel hamamas bilong gavaman na tok Ramu NiCo i bungim planti birua taim kampani i kam long kamapim dispela Projek na hamamas long lukim olsem ol papagraun i luksave long ol dispela hevi na traim long helivim Kampani.

Minista i tokim ol papagraun olsem tete i ken lukim taim bilong rein tasol bai i gat wanpela gutpela dei bilong san bai kamap we dispela taim bai Ramu NiCo i kamap strong na givim bikpela benefit i go long ol papagraun na stakeholdera tu.

Mista Pundari i tok klia olsem gavaman i no bai kamap olsem wanpela polis man na klosim ol bikpela projek olsem Ramu NiCo tasol wok bilong gavaman em long kamapim ol lo na regulesin we gavaman na kampani bai wok bung wantaim long kamapim stretpela wok na nogat birua long bus, graun, na wara i kamap long taim bilong operesin.

Em i tok tu olsem ol bikpela kampani olsem Ramu NiCo i save wok strong na bung wantaim gavaman long luksave stret olsem ol lo we gavaman i kamapim i stap stret na ol i bihainim stret.

Long taim em i lukluk raun long Basamuk Rifaineri, minister i luksave long ol bikpela masin bilong kamapim nikel na kobalt, na tu lukluk long hap we ol i save trumai pipia i go



Madang Gavama Jim Kass i toktok long Basamuk.



Mista Pundari i bungim ol asples lain bilong Basamuk na tok tenkyu long sapot bilong ol.

insait long solwara long masin bilong DSTP. Ramu NiCo i tokim Minista olsem DEC i bin givim wanpela tok orait long kampani i mas kamapim wok painim aut long olgeta pipia insait long olgeta 6-pela haosa long wanwan dei long mixing tenk bilong DSTP bihain long ol i rausim i go insait long solwara. Dispela em i long luksave olsem ol pipia i no gat posin.

MCC i tokim Mista Pundari olsem kampani save givim olgeta result long wanwan mun i go long DEC olsem ananit long dispela kondisin we gavaman i putim.

Ramu NiCo i tokim Minista Pundari na Gavama Jim Kass olsem Ramu

NiCo i gat bikpela strong long luksave olsem olgeta lo bilong lukautim environment em kampani bai bihainim gut. Kampani i tok tu olsem sefti na environment em nambawan as tingting bilong Kampani long lukautim na stretim long taim prodaksen i kamap na long dispela as tasol Ramu NiCo i gat save man bilong PNG, Australia, Canana, Niu Ziland, China na ol narapla kantri tu i wok bung wantaim.

Mista Pundari i tok Ramu NiCo em wanpela bikpela kampani long China we i invest long PNG na i mas bihainim olgeta lo na luksave bilong gavaman na taim em i kamapim wok



Mista Pundari wantain Brenden Cecil bilong Ramu NiCo i paitim toktok.



Vais Presiden bilong Ramu NiCo, Mista Gu i toktok wantaim Mista Pundari antap long DSTP Mixing Tenk.

stret bai i gat moa kampani bilong China i kam na invest long PNG na bihainim lek man bilong MCC. MCC i hamamas long mekim stret dispela wok.

Em i tok DEC na gavaman bilong PNG i hamamas tru long ol ripot na wok we Ramu NiCo i kamapim pinis na i gat bikpela tingting olsem wankain wok bai i stap tete i go pinis bilong dispela main projek. Em i tok ol wanem kain issue i stap yet long em bai olgeta stekholdera bai wok bung wantaim long stretim long taim bilong em stret.

Long wankain taim, Minista i soim bel hevi bilong em long ol kainakin

kusai toktok we i kamap long ol media long bagarapim nem bilong MCC na tok ol dispela kain pasin i mas stop. Em i tok Ramu NiCo em wanpela bilong ol bikpela investmen insait long kantri na olgeta stekholdera i mas wok bung wantaim long lukim dispela projek i kamap moa bikpela klostu taim.

Ramu NiCo Management i hamamas long lukluk raun bilong Mista Puindari na i tok aut olsem Ramu NiCo i bai wok klostu wantaim DEC na Minista long luk save olsem olgeta samtung i kamap ananit long lo na luksave bilong kantri na mama lo tu.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'

Ol yangpela kisim trening long ogenik faming

OL yangpela pipel long Pasifik nau i wok long kisim trening skul long ogenik faming na strongim save na wok long dispela eria.

Long wankain taim tu, ol Pasifik kantri i laik strongim ol yangpela pipel long go insait long wok agrikalna na faming bikos planti ol fama nau i wok long go lapun, na tu, ol fama i ken kamap olsem ol bisnis man meri husat i gat bikipela wok long komyuniti na kantri long lukim olsem ol famili na kantri i gat kaikai.

Long las wik, 25 yut fama bilong ol Pasifik Ailan i bin sindaun long wanpela wik ogenik faming woksop long Port Villa em bikipela taun bilong Vanuatu.

Ogenik agrikalna em i wanpela sistem o rot bilong faming i save yusim ol samting i stap long busgraun tasol, na i no ol fetalaisa na ol narapela marasin ol i save putim long kamapim moa na bikipela gaden kaikai prodak. Tu, long kilim dai ol binatang.

Long dispela taim, ogenik faming i wok long pulim planti yangpela fama long en.

Long ol ripot, planti fama long Pasifik em ol i wok long go lapun, na ol atoriti i luk-save olsem ogenik faming em i wanpela rot bai pulim moa yangpela pipel bilong ol Pasifik Ailan i go insait (long faming).

Namba wan trening long dispela i bin kamap long Tonga long mun Mas long dispela yia.

Dispela Vanuatu woksop i bin strongim ol lain i stap long en long glasim sapos i gat ol wankain o narakain samting namel long faming we ol tumbuna i save mekim na yumi bihainim yet, na ogenik faming.

Bikipela samting long dispela woksop em wanem wok ogenik faming sistem na ogenik setifikesen i ken bildim tras long ol konsuma o lain i save baim ol samting ol i groim bihainim ogenik faming, na kamapim ol

maket long salim ol samting ol i groim long dispela rot insait long kantri yet, na ovasis.

Long dispela wanpela wik woksop, ol lain i sindaun long en i bin wokim ol prektikel wok, fil wok na testim saiens bihainim long groim ol kaikai bihainim ogenik faming.

Woksop i kamap long wok patna namel long Pasifik Ogenik na Etikel Tred Komyuniti (POETCom), Len Risos Divisen long Sekreteriet bilong Pasifik Komyuniti (SPC), na Yunaited Nesens Developmen Progrem (UNDP) Pasifik Senta long Vanuatu.

Ol lain i sindaun long woksop i bin kam long ol NGO long ol kantri bilong Melanesia olsem long Solomon Ailan, PNG, Fiji na Vanuatu.

Ol opisa i go pas long ol ekstensen sevis long agrikalna ministri bilong Kiribati na Tuvalu i bin stap tu long dispela trening woksop.



MAKET LOA: Em nau, dispela ol maket loa i bilong gutpela long olgeta Bihainim na ol samting bai ron gut tasol. **Poto: Esso Hailans Pablik Rilesens Yunit**

Komo pipel kisim maket na benk sevis

OL PIPEL bilong Komo long Hela Provins i amamas nau long gat ples bilong salim ol gaden kaikai bilong ol na kisim mani long lukautim ol yet na ol famili bilong ol.

Tu, ol pipel i ken wokim benking bilong ol na ol no inap tuhat long go Mendi o ol narapela provins long painim ples bilong yusim benk long en.

Dispela i kamap bikos tupela wik i go pinis long Jun 9, ol bin opim nupela Komo Maket na Komo Brens bilong Benk Saut Pasifik (BSP).

Ol lain i makim PNG LNG Projek, BSP i bin joinim Deputi Gavana bilong Hela Provins, Thomas Potape

husat i bin wokim opisel opening bilong nupela maket na benk.

Ol asples manmeri bilong dispela eria i bin amamas nogut tru na givim gutpela welkam long ol bikman bilong PNG LNG Projek, na BSP.

Sosel Impek Menesa bilong PNG LNG Projek, Sisa Kini, i bin tok tingting long wokim nupela maket long Komo i kamap bihainim laik bilong planti pipel i bin wokim Pesenel Vaiabiliti Trening Kos we PNG LNG i ranim long en. Na ol bin laikim ples long mekim mani long en.

"Maket i kamap long wok patna namel long komyuniti,

lokol level gavman (LLG) na PNG LNG. Mipela i laikim bai dispela wok patna i develop o i go het wantaim sapot bilong mipela bikos kain projek olsem bai strongim groa bilong ol ikonomi o ol rot bilong mekim mani.

"Tok amamas bilong mipela i go long ol pipel husat i mekim dispela projek i kamap. Mipela i amamas long sapotim dispela maket, na bai mipela wok wantaim komyuniti long lukim olsem maket i mas wok gut," Mis Kini i tok.

Komo Maket komiti wantaim sapot bilong LLG bai menesim dispela nupela maket.



Em bai mekim yu laikim sampela moa!





SPOTS DRO RAUN 17

Fraide: Julai 5, 2013

AAMI Park



Storm V^s Broncos



Toyota Stadium

Sharks V^s W/Tigers



Sarare: Julai 6, 2013



WIN Jubilee Oval

Dragons V^s Roosters



Hunter Stadium

Titans V^s Panthers



Sande: Julai 7, 2013



Canberra Stadium

Raiders V^s Cowboys



Mackay Stadium

Bulldogs V^s Knights



NIB Stadium

Rabbitohs V^s Warriors



Mande: Julai 8, 2013



Brookvale Oval

Sea Eagles V^s Eels



Prop James Tamou bilong Kwinslan Cowboy i sas long dring na draiv

Not Kwinslan fowet James Tamou i sas long 1,900 Australia dola long taim em i asua long long ai bilong kot olsem em i dring na drai nogat laisens.

24 krismas Not Kwinslan Kauboi prop i sanap long Townsville kot bihain long ol i arestim em long siti long las mun tasol na alcohol blut level i abrusim 4pela taim ligel mak bilong dring.

Em tu ol i rausim em long draiv inap long 15pela mun.

Las mun tasol Tamou i kisim \$20,000 fain na no inap pilai long wanpela mun na no inap pilai moa long Stet ov Origin bihain long ol i painim long dring na draiv long narapela asua bipo.

Chif bilong Kauboi, Peter Jourdain i i tok Tamou i bihainim ol dispela penalti em i bin kisim na i no bagarapim sindaun bilong em long bihaintaim insait long klab.



Roy Asotasi bai lusim South Sidni Rabbitohs long pilai long Inglen



Olpela pilaia na veteran bilong South Sidni Rabbitohs, Roy Asotasi bai lusim NRL long dispela sisen i pinis na joinim ol Inglis Supa Lig klab Warrington long Inglen.

31 krismas frant rowa i bin sainim tupelo yia kontrak dil wantaim ol Wolves long yia 2014, long wanpela stetmen long Tunde.

Atotasi i pilai 206 gem long fes gred pilai long NRL long yia 2002, 122 gem bilong e mi pilai wantaim Rabbitohs long Saut Sidni.

Em tu pilai 25 tes pilai wantaim Nu Silan na Samoa na em bai kamap kepten long dispela yia long Ragbi Lig Wol Kap.

Chif Eksekutiv bilong Rabbitohs, Shane Richardson i tok, Asotasi i kik statim revolusen bilong klab taim e mi bin joinim 2007.

Roy em wanpela gutpela prop fowet insait long gem na fait na visen bilong e mi mekim na klab i sanap strong i kam nau.

St George Illawarra ful bek Josh Dugan i kisim wanpela gem-ban long solda sas

St George Illawarra ful -bek Josh Dugan kisim sas long noken pilai long wanpela NRL gem taim em i bamim pilaia bilong Penrith, Matt Moylan long solda bilong em.

Dispela tasol na NRL tingting planti long disaida gem bilong Stet ov Origin long em bai pilai o nagat.

Dugan i riskim tupela NRL gem suspensin em wanpela i stet ov orijin gem 3 long Sidni long Julai 7, sapos e mi sanap long grem 1 kot sas bilong judisari long Trinde nait.

Tasol nau em bai misaut long gem bilong Sarere wantaim ol Roosters long Wollongon.

Kosa bilong Dragons Steve Price laik karim dispela kot i go moa tasol Dugan i go egensim dispela.



Raun 16 Poin Leda

Pos	Tim	W	B	L	D	Pts
1.	Rabbitohs	13	1	2		28
2.	Roosters	11	1	3	0	24
3.	Storm	10	1	4	1	23
4.	Sea Eagles	7	2	6	1	19
5.	Titans	8	1	7		18
6.	Sharks	7	2	7		18
7.	Bulldogs	8	1	7		18
8.	Knights	7	1	8		16
9.	Panthers	6	2	8		16
10.	Warriors	7	1	8		16
11.	Raiders	7	1	8		16
12.	Broncos	6	1	9		14
13.	Cowboys	6	1	9		14
14.	Tigers	6	1	9		14
15.	Dragons	5	1	10		12
16.	Eels	3	2	11		10

PNC's Information & Music Leader

FRIDAY 5 JULY

7:45PM
SHARKS STADIUM

SATURDAY 6 JULY

7.30PM
TIO STADIUM, DARWIN

SUNDAY 7 JULY

2.00PM
CANNBERRA STADIUM

LIVE GAME CALLS

ALOTAU 107.1	BUKA 100.8	KANKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MADRIK 100.8	MT. HOREATO 107.5	NUKU 100.8	TASUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAUSULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Ol Spot Eksen poto long wiken...

Ol Poto Nicky Bernard.



DAS KIRAP LONG BAVA PAK: Pilaia bilong Juggernauts i rausim bal go long pilai bilong em taim ol pilai wantaim Uni.



MIOKS I FLAI: Pilaia bilong Miok wantaim bal i laik flai go long mak bilong Vipers tasol em nogat wing bilong em olsem na ol Vipers winim ol. Insait em trupela sapota bilong Vipers.



Pilaia bilong Mungkas (17) wantaim bal i traim long abrusim Yamaros pilai long MSL pilai bilong ol long Bisini.



FIFA kanivol bilong ol meri long Se John Gais Stadium. Dispela soka kanivol em bilong lainim ol meri krismas bilong 10 na i go inap long 16-pela krismas long save long we bilong pilai soka.

- Weekend Sports Draws -

Digicel Cup Round 13

Home	Away	Venue
SUNDAY, 07 JULY		
Enga Mioks	vs. Snax Tigers	Wabag
Agmark Gurias	vs. Bintangor Lahanis	Kokopo
Hela Wigmen	vs. Wamp Nga Eagles	Mendi
TNA Lions	vs. Gulf Isapea	Kundiawa
SNS Vipers	vs. Mendi Muruks	Port Moresby

RESULTS

Vipers 20 Mioks 16,
Lahanis 22 Lions 14,
Tigers 8 Gurias 6,
Wigmen 38 Isapea 34,
Eagles 12 Muruks 10

**Lae Tigers i no kisim poin long 26 - 16 skoa lain wantaim ol Gulf Isapea bikos long pait bin kamap na ol stopim pilai.*

LADDER

	P	W	D	L	F	A	Pts
Tigers*	12	8	2	2	240	148	18
Lahanis	12	8	1	3	229	190	17
Mioks	12	7	0	5	284	154	14
Gurias	12	7	0	5	283	184	14
Vipers	12	7	0	5	278	204	14
Wigmen	12	4	2	6	195	232	10
Isapea	12	4	1	7	222	280	9
Eagles	12	4	1	7	188	293	9
Lions	12	4	0	8	172	328	8
Muruks	12	2	3	7	159	217	7

TOKSAVE: Salim ol spots dro bilong yu kam long Feks; 325 2579, e-mel; bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Kriket PNG tokaut long 35 man skwad

Nicky Bernard i raitim

KRIKET PNG bai gat bisi taim bilong long dispela yia na narapela yia bihain long ol pinis pilai bilong Hebou Sil.

Namba wan tonomen bilong kamap long dispela taim ol go daun Brisbane, Australia long pilai insait Kwad (Quad) siris long Ogos 12 i go inap long Ogos 17 long dispela yia.

Ol tim bai stap insait long dispela tonomen em long Barramundis, Is Esia Pasifik, Aus-

tralia Indigenous development tim na Armed Sevis Kombain kriket tim.

Dispela tonomen tu bai lukim 3-pela pilaia bilong PNG bai joinim EAP long taim tonomen i kik ov.

Bihain long Kwad (Quad) tonomen ol Barramundis bai go long Dawin na Adelaide long stap insait long South Australia Cricket Association (SACA) primia lig kompetisen we bai kamap long Septemba long dispela yia yet.

Dispela kompetisen bai

kisim 6-pela tim olgeta we Barramundis bai bungim ol narapela tim olsem Noten Teritori, na foapela SACA Distrik tim. Insiat long dispela tonomen Barramundis mas traim long kisim nem long pilai long wol kap we bai kamap long Dubai long Novemba.

Dispela pilai bilong ol wantaim 5-pela narapela tim em ol bai ol 6-pela tim bai kolifai long pilai T20 wol kap na Barramundis em stap insait wantaim dispela narapela 5-

pela tim.

Barramundis tim em Hebou Hammers i top skwad wantaim 9-pela pilaia, BSP Heats na Pasifik MMI i gat 7-pela pilaia long tim, Digara Diggers i gat 6-pela pilaia, Air Niugini Jets i gat 5-pela na Brian Bell Bulldogs i wanpela tasol.

Kriket PNG Hai Pefoma menesa Rarua Dikana i amamas long ol selekta long makim gut ol dispela yangpela na strongpela man long stap insait long skwad.

Stop N Shop Komados nilim NBC

Nicky Bernard i raitim

NAMBA tu wiken bilong Midia Snuka Kompetisen na planti tim husat i stap insait i soim pawa na kala bilong ol long pilai.

Wanpela bikpela stoa long Pot Mosbi, Stop N Shop i

putim han go hantap long sapatim wanpela tim insait long kompetisen. Yumi FM Komodo nau i senisim nem bilong em kamap SNS Komados na tu i gat sampela ol nupela pilai long tim.

Planti bilong ol pilaia bilong SNS Komodo i kam long ol menstrim Midia

olsem, PNGFM, Post Courier, National, Wantok, BSP Midia na narapela ol liklik midia.

Long namba wan wiken bilong opim pilai SNS Komodo i no kamapim gutpela pilai na ol go daun long tupela tim ol pilai wantaim, ol mekim kam bek bilong ol long wiken go pinis tasol lusim namba wan gem.

Namba tu gem em olgeta bilong SNS Komodo taim ol bungim NBC, ol winim olgeta 6-pela frem bilong na lusim wanpela.

Dispela wiken bai ol bungim narapela tupela strongpela tim long kisim poin bilong ol go antap sapos ol winim dispela tupela pilai bilong ol.



Ol ples mas sanapim ol strongpela spot resis

YUMI save lukim planti ol spot pilai na resis i save ron gut long ol taun na siti, ol ples tasol i save pundaun long dispela.

Ol spot pilai na resis i gutpela bikos ol i save pulim rausim ol yangpela long ol pasin nogut insait long ol komyuniti bilong ol.

Ol pilai resis i gat ol arapela gutpela samting tu. Ol dispela samting em strongim pasin timwok, rispek na luksave long ol wan-pilaia bilong ol, serim aidia na save, na lis i go yet.

Long sait bilong painim ol nupela spots talent, dispela em i gutpela ples bilong ol lain i save raun lukluk long painim ol nupela spots manmeri.

Hevi nau i stap long planti hap long kantri, em long ples, ol i nogat ol strongpela spots kompetisen.

Na taim mi tok spots kompetisen, em i mi minim ol spots kompetisen i save ron olgeta taim.

Mi lukim planti ol spots pilai na resis, we i save kamap bihainim wanem taim ol i kisim sapat long kamapim.

Sapos i nogat sapat i stap, ol bai lusim na wetim narapela taim gen, we i gat sapat long mekim.

Pasin politiks i stap long as long planti ol spots pilai i save kamap long kantri.

Nau mi raitim dispela ol tingting i stap, i gat ol spots kompetisen i wok long kamap long kain kain hap long kantri.

Tasol bikpela askim mi gat, em bai ol i kamap olsem olgeta taim, o bai ol i pundaun na lus nabaut?

Tru tumas, i gat ol arapela samting tu i save kamapim dispela hevi. Nogat inap savemanmeri, nogat gutpela sapat i kam long komyuniti, na ol arapela pasin nogut i save bagarapim ol spot pilai long ples, olsem pait, ol yangpela i nogat rispek long ol bikpela manmeri, nogat gutpela ples bilong pilai spot, na planti ol arapela samting tu.

Olgeta dispela ol hevi, i ken senis sapos ol pipel long ples i gat gutpela trening long kamapim na lukautim ol dispela kain spot pilai resis.

Ol dispela lain, em ol spots administreta.

Ol i mas gat inap save na strong long lukim kamap bilong ol spot pilai, olgeta taim.

Painim mani sapat i mas kamap olsem wanpela wok bilong ol tu.

Ol komyuniti spot na memba husat i afiliet i go long ol kompetisen, i mas kamap ol fainensal memba, na dispela bai strongim wok fanresing bilong ol.

Ol dispela samting bai no inap kamap samting trutru sapos ol i no kisim gutpela trening.

Taim olgeta samting i stret, spots long komyuniti bai ron gut, na ol pipel bai luksave long veliu bilong spots.

Taim ol pipel i gat inap trening, bai ol i gat save long strongim kamap na pilai bilong spots insait long komyuniti, na strongim luksave long strongim spots insait long komyuniti.

i kam long bek pes

Cook na hot

Long namba wan tu gem bai kam long pilai long Sarere 6 Julai 9 we Solomon Julai Cook Ailan bai Ailan bai kisim Cook kisim Tahiti long wan Ailan na Tahiti bai kilok na long tri kilok kisim PNG, ol taim na PNG bai kisim ples bilong pilai em Solomon Ailan. Namba wankain tasol.



DIANA Blu
TUNA IN OIL

NEW IMPROVED!
 TUNA IN OIL
 Net Wt. 425g

Moa oil na meat insait

Cook Ailan bai kukim PRL



Nicky Bernard i raitim

Cook na hot

Oi Cook Ailan ragbi tim kam pundaun long Pot Mosbi long Trinde dispela wik long stap insait long Oceania Kap resis bilong ragbi yunien we bai stat long Sarere.

Cook Ailan i kam wan sampela bilong ol pilai bilong ol husat save pilai long Australia na Nu Silan na dispela i mekim hot long kisim dispela Oceania taitol. Wanpela bilong tu i flai kam long France long stap insait long tim.

Oceania Kap long Pot Mosbi bai kisim 10-pela de bilong pilai na dispela bai lukim Pot Mosbi Ragbi Lig graun bai kamap bikpela nois taim tim bilong yumi PNG Pukpuk bai kisim ol dispela tripela tim bilong Pasifik Ailan

PNG Pukpuk bai traim long holim bek dispela taitol ol bin holim na sapos Pukpuk winim dispela taitol gen em bai go bungim Fiji long Wol Kap kolfai long yia i kam.

Moa long Pes 27.

Johnston's Pharmacies

All Sports and First Aid requirements

For First Aid Kits. Remington Hair Clippers, Remington Hair Appliances, Varta Batteries

P.O. Box 1066 Boroko
 Phone: 325 3185, Fax: 325 0190
 Email: sales@johnstons.com.pg